



景泰三年至八年

國權

鹽官談遷孺木著

壬申景泰三年

七月辰朔 科給事中潘本愚行人邊永祭故占城國王摩訶

貴來并封弟摩訶貴由為占城國王

罷兩淮長蘆巡鹽御史令撫按兼之

癸巳禁有司造軍器貸民車舡輸運

甲午巡撫四川左僉都御史李匡被劾召還

乙未署都督僉事陳友鎮守鴈門閩都指揮王淳鎮守涿州

署都督僉事陳旺都指揮使翁信為都督僉事副總兵代廣
西都督武毅廣東都督董興太子太保兼左都御史王翱總
督兩廣軍務

丙申命京官俸鈔俱給銀鈔五百貫給一金
丁酉命各處庫收置籍如官去驗代

戊戌咸寧長安二縣南山曠遠置鎮安縣

夜大星青白色自閩道流騰蛇

己亥國子祭酒劉鉉請任子年稍長赴監肄業十五以下遣
回從之

許萊州米麥折布

庚子巡撫四川右僉都御史李匡言董韓胡宣慰使還所侵

雜谷安撫司及達思蠻長官司之地尚據舊維州貺臣銀罌

金珀求御製大誥周易詩書小學方輿勝覽成都記昔唐吐

蕃求毛詩春秋于休烈恐其愈生變詐裴光庭謂忠信禮義

皆從書出玄宗從之今董卜韓胡所求與之便惟方輿勝覽

成都記不可許上允之

入連東小團山署都指揮僉事任義戊邊

太子少師禮部左侍郎兼翰林學士王一寧卒一寧仙居人

幼善詩 仁宗東宮時召賦銀河詩入太學永樂戊戌進士
授吏部稽勳主司直文華殿改脩撰進侍講正統戊辰遷禮
部右侍郎景泰初督餉湖廣進左侍郎兼學士直內閣性敏
捷詞翰清俊而不慎名檢賜祭葬贈太子太保禮部尚書謚
文通

廖道南曰古之豪傑之起也固不拘其類後世則不然乃
若王伍王叔文李訓鄭注之儔或以他技進卒敗其身而
動搖宗社故曰君子未嘗不欲仕也又惡不由其道王君
始由狎客射策甲科終由佞倖司綸秘閣君子奚取焉亦

以竊勸戒焉爾

昏刻金星犯太微垣左執法月犯南斗杓

甲辰召顏孟二氏嫡裔顏希惠孟希文至京

丙午停開封及胙城新平西平科辦

徭賊入高州

戊申哈密貢玉石三萬三千五百餘斤每斤絹一匹行都司

都督任禮言宜少抑其貪禮部請邊關卻其疵碎者從之

己酉松潘雪見卜寨賊車勞等平

乙卯致仕禮部左侍郎楊翥為尚書仍致仕給俸

中書舍人秦鏞以冗員調邊衛經歷
夜大星青白光自羽林軍流近濁

丙辰少保兼太子太傅戶部尚書文淵閣大學士陳循等言
九事曰誥勅止給見任曰中外官相兼陞用曰舡鈔不分新
舊曰禁偽銀戍邊曰河舡帶磚納通州今多納銀三錢乞實
於法曰擇武職專總操江曰郡縣官加銜布政司體統不便
曰考察宜如永樂間遣官京及給事中分覈曰戶部以贖錢
積穀備荒曰清預備倉逋額追補 上從之
朝鮮國王李珣卒遣內官金興金宥往祭謚恭順封世子弘

暘朝鮮國王

丁巳召分守十一盤逆北右叅將都指揮顏彪以紫荆關署
都指揮僉事戎亨分守

都指揮使郭震馮宗為中軍左軍署都督同知

戊午令山西布政按察二司覈災民母虛報

免陞慶災租五萬六千八百二十餘石

命法司錄囚

吉安早永新縣地隔約五畝

庚申前南京太常寺卿徐初卒初會稽人永樂

貢士維

縣教諭擢戶科給事中洪熙初言事進都給事中宣德間進
大理寺卿正統初調南太常致仕孝友寬平臨事侃，不少
挫

辛酉朔都督同知衛穎范廣領左右哨俱充右副總兵

廣東都指揮僉事胡英等擊廣州等賊斬千一百餘級俘渠
帥四十七人

田子清河訓導唐學成言河決沙灣臨清告涸實由臨清至
沙灣十二閘勢甚陡其地卑築隄薄故河決若建瓴而注也
宜開河外另穿月河其本河令深廣直抵沙灣命山東巡撫

及巡河御史等官相度

火星晝見

城鳳陽中都留守司指揮穆盛董之

乙丑夜大星赤光自九旂流至濁

兖州大雨水議賑恤

戊辰命右都御史洪英兵部尚書孫原貞刑部尚書薛希璉
兵部右侍郎李賢禮部右侍郎鄒幹左副都御史劉廣衛及
巡撫右都御史王暹兵部左侍郎揭稽戶部右侍郎李敏刑
部右侍郎耿九疇李棠右僉都御史祝暹王竑鄒來學韓雍

大理寺右少卿陳詢分行天下考察官吏

庚午八開原明日守備左叅將胡原追斬十一級

壬申進士孫珉陳嘉猷楊青劉昭李燁王智徐廷章為給事

冲

丙子提督柴溝堡都督僉事董斌免以守備懷來都指揮王

林代之

丁丑監察御史真鍾嚴樞盛琦李鑑俱下考謫典史鑑乞調

授德陽知縣

免兩畿災民糧芻鹽鈔及所負軍需物料馬匹

定宣府大同中鹽例

陝西大雨水決延安綏德

夜大星赤光自紫微西藩涿北斗魁二小星隨之

戊寅秦王府火

辛巳永平大雨水滄稼賑之

甲申夜月犯井宿

乙酉南畿河南山東惠水多流民命隨宜賑之

丙戌光祿寺少卿蔚能為寺卿

寧陽侯陳懋掌宗人府

丁亥絳縣知縣劉智陽城知縣劉以文俱進俸正六品
委官巡視福建銀場

戊子真臘國入貢

九廟寅朔兵部郎中王偉為右侍郎

免淮安夏麥九萬七千四百九十餘石

太子少師兼吏部左侍郎翰林院學士江淵喪母許奔喪還

任

南京錦衣衛鎮撫司軍匠餘丁華敏言臣竊見近來袁琦唐

受喜寧王振等專權誤國俱已敗露天下共知也臣草茅賤

陋切見內官苦害軍民事非端一恨朝臣緘口不勝痛哭如

內官收積家財金銀珠石動以萬計豈能天降地出非盜府

庫則浚民膏害一也侵牟公侯府室興造勞擾害二也其家

人義男外親莫不輕肥縱橫恣睢凌擊甚至入貲求仕莫差

貴賤害三也蓋造佛寺用費不貲以一己之私破萬家之產

害四也廣置田租寄戶郡縣繇賦丁力應不科征害五也家

人中鹽虛占鹽數轉鬻與人先得勘合倍支巨萬壞國家權

法奪商賈之利害六也奏求塌房邀接客旅倚勢賒賣負賴

不還害七也賣放匠人名為伴當辦納月錢內府監局乏人

造作工役煩楚不堪害一也家人包攬各色物件官府畏懼
以一科十害九也董監工之役非法酷刑軍匠塗炭不勝嗟
怨害十也伏望 皇上鑑前車立後軌毋使蕭牆禍稔幃
奸生令曹節侯覽復見今日下禮部寢之
初太子太保右都御史王文往南京山東河南賑濟通漕時
南京地震雷擊獸吻江淮至濟寧大水滄稼東昌至河南河
決勅王文巡視整理

癸巳漳州賊鄭孔日等通番署都指揮僉事王雄輕進被執
杖三十桎梏三日釋還云藉公一言祈朝廷矜宥

甲午夜大星青白色自四輔流紫微東藩

丙申令河南山東馬匹徵十之四餘俟明歲

會昌伯孫忠卒忠字王敬鄒平人貢太學洪武己卯任介休

主簿心恕法嚴吏民從化憂去復補永城民益愛之赴天壽

山陵工進鴻臚寺序班 宣宗初其女立后以中軍都督僉

事進封伯祿干石敦厚謙和雖居戚里爵齒之尊無矜色嘗

戒子孫曰成立之難如升天覆墜之易如燎毛爾曹當終身

誦之年八十五賜祭塋贈會昌侯謚康靖天順初加贈安國

公更謚恭憲

何喬遠曰孫忠自其為主簿仁能著於民矣晚節德厚自
將可外戚目之哉

詹事習嘉言卒嘉言新喻人

進士選庶吉士擢編

脩進脩撰侍讀薦陞太常少卿言事見採居官勤慎詩文雅
淡為時所尚賜祭葬

丁酉禮部右侍郎兼少詹事薩琦掌詹事府

陝西道監察御史劉琚等言近者災異見示非常臣等切惟
文武群臣德行才猷靡所表建而師保兼官祿俸加倍侈必
費財費必傷民近者戶部奏今年京師支放會計米銀動以
千萬府庫將空欲將被災田地覆勘追徵與其剝疲民之財
孰若省重支之俸伏望聽群臣挹損辭讓亦消弭一端命閔
支兩俸者暫停其一年豐仍舊

通政司右通政湯鼎卒

夜犬星青白光自大陵流天園

戊戌提督軍務右僉都御史鄒來學脩密雲各處城堡斥堠
庚子進士鄭宏陶復李堅秦紘鄧明陳敬周瑚趙瑛岳璿婁
濬為監察御史

壬寅國子助教劉翔請帝孔子增一佾禮部議格之

賑兗州饑

建州衛女直指指揮僉事都里克等二十九人來歸命隸海州衛如舊秩

癸卯罷河南山東災民一切不急之務及歲辦物料

復松江管糧通判華亭縣丞主簿上海縣丞各一

甲辰南京提督倉場右副都御史軒輅兼督南京各衛屯種

巡撫蘄松等處戶部右侍郎李敏兼督蘄州各衛屯種

禁内外文武官軍容出入

丙午免壺關縣田租三千四百石

庚戌勅總督漕運巡撫楊廬淮安徐和右僉都御史王竑兼

巡撫鳳陽滁州仍理兩淮鹽課

翰林院庶吉士吳滙周興戚瀾王獻劉宣童緣為編脩張業

江朝宗為檢討

開原屬夷來歸四百餘戶提督軍務左副都御史寇深議徙

內地凡來歸者皆如之兵部恐沮來意下深等酌定

辛亥河南布政司右叅政宋瑛為太僕寺卿瑞州知府夏景

為少卿

免龍門關平衛屯租之羊初霜災

賑東昌所過流民

福餘衛指揮同知可台報也先召三衛頭目命邊將備之

壬子湖廣按察僉事黃潤玉不諳刑名謫會山知縣

定富人輸粟給冠帶例北京山東山西例一百石浙江江西

福建南京例千二百石蘇常松江嘉湖例千五百石如穀麥

每石准米四斗

癸丑琉球入貢

夜大星青白色自昴流畢月犯鬼宿

乙卯令巡河御史鄧達兼理鹽法淮安知府丘陵乞裁之

夜大星青白光自輦道流天市垣

丙辰勅福建都指揮僉事王雄招撫海寇

巡撫江西右僉都御史韓雍奏各郡支預備倉米二十三萬

五千六百六石八斗六升勸借穀三萬四千九百六十石六

斗賑民十五萬四千七百十九戶大小三十五萬六千六百

一十八口

福建右布政使陳員翰卒員翰寧海人宣德庚戌進士自江

西新城知縣拜御史有治劇才歷任稱便

丁巳湖廣布政司右叅政王槩調河南

戊午故朔州判官王秉嘗擊高家庄擒一人斬二級陣沒子勇求入國子監許之

己未兵部郎中蔣琳為右通政清黃

前戶部左侍郎劉璉卒璉崑山人永樂進士授御史進

山東右叅政督儲宣府洪熙初叅贊軍務守邊幾三十年歷

戶部左右侍郎正統初入璉能持重少失亡終不冒賞

致仕歸卒通州貧無以返塋山西叅政葉盛工其功賜祭塋

而國史謂璉貪墨有玷名爵何也

劉鳳曰士談說就功何易也使乘一障能令無入乎璉

在己巳與郭登守宣府為城下盟計欲詭奪雖不克然

使知有備不敢犯又歎偵虛實竟使款塞和未必不能

逆策其然也功昏抑不聞至沒而不能返其立墓身久為

將故猶冀甚何論請美田宅多從賓客車乘哉且戒安殺

不敢邀功畏謹矣或責之死封疆之義不能出驍銳塵土

木下濟師事誠有之則所傳聞異詞未可蔽其罰一人也

閏九月壬戌戶部上節用事宜從之

蠲淮安鳳陽大水田租

癸亥翰林院侍講兼左春坊左中允呂原侃謙為侍講學士

仍兼中允

昏刻月犯天罡星

甲子禁擅調屯軍

夜三大星皆青白色一自婁流壁一自天囷流近濁二小星隨之一自天槍流至濁三小星隨之

丙寅亦力把里國入貢初不從也先犯邊遂授使臣捨哈三等副千戶

禁李實奉使錄巡樓四川監察御史黃溥評之

丁卯戶科右給事中路璧言往者宥覲官之罪令運米大同

此權計也明年又入覲慮墨吏重歛乞都察院預禁從之

戊辰泉漳延平邵武復盜起勅責鎮守巡按官

辛未命有司考課載水利

癸酉免宣府屯租三之一

乙亥監察御史王珉巡河微服外淫又勒賄特戍開平衛夜大星青白色自北河流軒轅二小星隨之

丙子監察御史項聰楊宜李圮秦顯卽勝陳璠顧曜清軍山

西廣東浙江陝西直隸河南山東

丁丑給宣府牛種

庚辰刑部郎中陸瑜為山東右布政使

山西布政司右叅政林厚奉詔臺訊厚疏歷詆左副都御史
年富凌暴不法都察院請按之上曰此必厚怨富而誣之
朕邊事任富詎一人毀遽辱之耶

壬午封美壤寧化王鍾鏐臨泉王

夜大星青白色自內階流紫微西藩

癸未進士周監李鈞唐瀟為給事中張昂為吏部主事

復開處州銀場從鎮守尚書孫原貞之請

總督邊儲叅贊軍務右僉都御史李秉言北使三千餘人駝

馬等四萬餘匹草料不支於是命戶部右侍郎孟鑑兵部右

侍郎王偉選上馬赴京中馬給衛卒餘俟飼牧召高中淮鹽

納宣府芻豈

定軍職犯贓新例

丙戌以北使浩費停內外牲酒惟閣臣如故

戊子監察御史畢鸞朱英為山西廣東布政司右叅議

十月未貴州平越都勻普定畢節關餉召商中鹽四川納粟四

衛

太子少保左副都御史羅通請增迤北馬價招之以空其馬

上謂俱下駟不許

丙申金華知府石瑁為福建右布政使

免龍門衛屯租開平衛十之一

戊戌右都督方瑛鎮守貴州都督同知陳友鎮守湖廣右

都御史王來保定伯梁瑤還京

太子太保兼右都御史王文直文淵閣大理寺右少卿陳詢

直經筵

庚子都督同知李信鎮守浙江都督僉事張真領都司事

辛丑召巡撫山西右副都御史朱鑑回京以右僉都御史蕭

啟巡撫山西

夜土星犯亢

壬寅太監阮簡刑部尚書俞士悅同兵部尚書于謙閱各營軍士

癸卯起復戶部右侍郎張睿

禮部右侍郎兼左春坊左庶子鄒幹考察山西言鎮守撫按

舉保之弊請專歸吏部從之

太子太保兼刑部尚書俞士悅言營軍奸計百出乞御史四

人密察兵部二部司官各人分點立報從之

夜月犯井宿

丁未召鎮守保定等處右僉都御史祝暹

勅參贊易州等處軍務右僉都御史陳泰兼巡撫保定河間
真定順德大名廣平及提督各衛屯操巡撫永平山海等處
右僉都御史鄒來學兼提督各衛屯種

庚戌總督邊儲參贊軍務右僉都御史李秉兼理巡撫

太僕寺少卿黃仕雋言臣訪各巡撫考察官吏每憑里老以
為去留聞里老多因前官縱容往來囑託公事經攬收物營
求催辦害象成家積有年歲間有端已臨民輒貽怨恨反加
誣污巡撫官輒因斥罷郡縣官聞將考察或席邀求賄之錢

帛以此多得保留否則去之殆盡用是里老有權官司受制
刁民告害亦由於此乞該部移文巡撫分路詳審或彼此互
詢或稠獨交察或獨步暗行或遙審面辨毋徒取迎送隨從
電過風飛使猫鼠一家奸犬同害疏入命考察不實者坐之
仕雋復言巡撫朝廷重臣三司所行多被掣肘况在任年久
或變節怠終昔唐玄宗謂張說曰向令十道使出巡諸州以
察善惡茲因東封始知負朕多矣今豈無如前所云乞勅所
在巡撫大臣惟總大綱無親細事惟從輿論無執私見其事
妥萬民之處可無巡撫亦令多官集議暫從省革從之

談遷曰聞往昔糧長收賦見重於有司里老亦然今望有
司屏足一跡里老在賤即閭閻甚輕之代降事殊讀黃仕
雋之疏亦能一不厭之一矣

甲寅瓦刺太師也先來朝旨馬復請報使上問兵部尚書
于謙謝臣本兵知戰耳使事不敢聞遂勿遣報曰太師求荅
使朕固欲遣第恐更如往者構是非已益反滋害故不遣人
來者乃至三千餘邊將請謝絕朕念太師誠姑聽後少遣仍
勅沿邊總兵官備之

乙卯參贊宣府軍務右僉都御史李秉提督軍務

夜大星青白光自文昌流天紀

丙辰右都督孫鐘克副總兵都督僉事石彪克右參將鐘協
守大同彪守備西路宣府左參將楊能都督同知衛穎為左
右副總兵都指揮使張欽為署都督僉事右參將協守宣府
右參將楊信為參將仍守懷備來永寧時聞也先南侵
丁巳山西布政司右參政葉盛協贊獨石等處軍務盛治壁
壘厲文學買牛千餘頭課下卒以耕公私皆贍

徐日爰曰葉盛守獨石五年凡奉璽書四十餘道時景
帝勤政每有邊報輒召本兵于謙商酌指授成筭撰勅往

諭以故中外情意流通貫徹彼此關工敗事益少今中朝
大老託言委任邊關情務聽督撫自為之以為無可置喙
彼督撫者境地已隆權勢自遂更無有從中提掇之者安
得太平時漫不加意臨事則去如敝屣也哉

戊午蠲太和鳳陽望江黃巖常寧耒陽衡山衛陽桂陽安化
瀏陽醴陵寧陽攸叙浦寧遠水旱田租

征南總督王來還京

十一月己未朔日食仍頒曆

吉安袁瑞旱災田租遞減有差

辛酉岷王徽燦畏苗求徙湖廣書止之

壬戌金星晝見

甲子庶吉士張永為禮部主事

丙寅陝西按察副使白圭為浙江右布政使

免大名廣平順德災租

丁卯免真定保定災租

己巳上皇萬壽節群臣請朝廷安門詔罷

兵科給事中劉清為刑部右侍郎

也先復遣使二千餘人入貢

庚午襄王瞻塏請明年入朝止之

辛未江西右布政使吳濶以孫綽寧府儀賓遂致仕

壬申嚴京師盜禁

兵部左侍郎翰林院學士兼左春坊大學士商輅乞戶部遣
官往大同宣府懷來永寧等處派卒耕田分兩番六日耕六
日守從之

王鏊曰國家邊費最大欲省轉運之費莫若興屯田兵法
取敵一鍾當吾二十鍾屯田一石可當轉輸二十石趙充
國屯田湟中內有無窮之利外有守禦之備卒坐困西羌
唐韓重葦營田之利東起振武西隴雲州極於中受降城
歲省錢千三百萬緡此前事之明效也今三邊之地固在
也而人以為不可行者何也

免山東災租八十四萬三千六百餘石

甲戌命北京山東山西撫恤逃民免徭賦五年

丁丑初瓦剌使至携所掠男子六十八人婦女三十人邀贖
人予幣二雙然匿詐贖僅十之二三

少保兵部尚書于謙乞解總督軍務不許

戊寅鎮守真定右僉都御史祝暹予告

巡按直隸監察御史劉孜薦南京大理寺卿薛垣宜館閣不
許
已卯許陝西罪人輸粟涼州納贖
庚辰大理寺右少卿張固捕盜山東
禁鬻北使兵器

壬午許王見淳慶

兵部工禦寇安邊十一事從之

癸未逮巡撫四川右僉都御史李匡匡忤鎮守內官陳洵被
劾部科亦言之下獄坐污削籍

夜客星見鬼宿

甲申定畿內納米贖罪例

丙戌前軍右都督楊俊言也先包藏禍心其妻孥輜重在哈
刺莽距宣府纔數百里其精銳屯沙窩尤近宜選將率迤西
之士悉赴代州迤東悉赴永平大臣統京兵赴大同宣府列
營為正兵其永平之戍赴獨石樓伏代州之戍赴偏頭關樓
伏為奇兵正兵堅壁奇兵擣穴此攻取之一機也兵部于謙
危其計從之

嚴從簡曰兵莫善於奇正之相生而莫不善應援之無繼

夫鷲鳥之擊也必伏其形蜂蟻之螫也不盡其毒古人因
敗以為功始卻而終勝者其機皆在此也是故連營七百
里伏終不行百萬壓淮淝一敗塗地何者勢露於悉陳力
止於一擊也三撥之說予於是予有取焉
太子太保兼工部尚書石璞上言邦畿千里萬國瞻依禮樂
刑政胥由此出乃盜賊伏發披甲戴兵明火劫掠近聞所獲
強盜俱言誰不懼死但以糧賞不得全閔妻子饑餓難忍復
審口外邊軍夜行日伏偵探一情乃其月糧亦行減去致令
窘迫是故盜端實非險道與減士饒寧捐臣俸又聞山東河
南兩畿今年多水小民缺食盜賊潛起福建浙江蔓延可畏
乞勅吏兵二部省冗濫去蠶食其文武官俸六品以下如故
五品以上斟酌減支量添軍儲被灾郡縣蠲其徭稅暫停一
應軍需遣一二大臣巡視賑濟疏下廷議詔官俸如故有冗
員酌繁簡量省之

丁亥周王有燭堯王自祥符王進封年六十一謚曰簡

戊子錄故誠意伯劉基七世孫祿

免河間灾租

十月己丑朔夜月犯六諸王星

庚寅前軍都督僉事薛失遵台改名忠

大理寺右少卿陳詢改太常寺少卿兼翰林院侍讀學士

右副都御史朱鑑致仕

壬辰兵部左侍郎翰林院學士兼左春坊大學士高輅以江

北河南流民入濟寧臨清被逐請募墾畿內閒田從之

選京營軍十五萬分十營各置都司一都指揮三把總都指

揮十五指揮三十團練太監阮讓陳瑄盧永都督楊俊郭震

馮宗提督聽太監劉永誠曹吉祥尚書于謙武清侯石亨節

制

各道監察御史練綱等上事節糧儲當邊士選將卒畫長

策禮大臣廣薦舉禁違例清刑獄上從之

復勅內官黎賢武良工部左侍郎趙榮治沙灣

己未府軍前衛帶俸都指揮僉事孫繼宗副會昌伯孫忠子

留子左衛小旗徐靖言富人納粟補錦衣衛官非制宜調衛

從之

丁酉都指揮同知顏彪為署都督僉事

戊戌暹羅入貢

己亥監察御史練綱等劾吏部推選之私上不問

辛丑右通政蔣琳為右僉都御史提督宣府軍務整備邊儲
召右僉都御史李秉回京秉在鎮三萬金買牛具貸民及秋
而償餉遂足辦以所掠男婦易我粟廷議計齒受粟壯者
一石細弱五斗難之秉梳予一石不忍其俘也城白陽常
峪靖邊張家口總兵官紀廣謂非計詔責廣從秉議又請尚
書石璞簡鎮兵為三撥次第接戰從之

癸卯令布政按察二使有關三品以上連名會保餘吏部推
選

裁京庫收銀主事

甲辰少傅兼吏部尚書王直等請瓦剌報使事下兵部尚書
于謙言臣本兵知戰耳使事不敢聞遂弗遣

乙巳免保定災租

丙午孟養思卜發入貢求孟養舊地不許

丁未右都御史王來兼大理寺卿保定伯梁瑄為保定侯左
都督毛福壽封寧南伯右都督方瑛為左都督征苗功

辛亥尚書薛希理鎮守山東孫原貞鎮守福建右都御史洪

英鎮守浙江俱考察竣就鎮

癸丑都指揮僉事王淳仍鎮守涿州及保定時詔警軍民

奔避

乙卯巡撫廣東兵部侍郎揭稽改廣西巡撫廣西刑部侍郎李棠改廣東俱兼提督軍務

兵科都給事中蘓霖等謂任久人玩也尋以閣臣言仍如故前吏部尚書趙新卒新富陽人

善書授工部主事進吏部郎中督漕歷尚書能幹辦其操不足也賜祭塋

丙辰免河南灾租五十七萬二千九百餘石禮部乞瓦剌報使不許

丁巳司經局洗馬兼翰林院侍講劉定之請報使下廷議

癸酉景泰四年

正月未朔上皇在南宫

辛酉大同總兵官定襄伯郭登右都督孫鏜不協勅解之

壬戌封幼埼沁源王

甲子平江侯陳豫復鎮守臨清

乙丑雲南都指揮使金吾左衛帶俸都指揮同知林宏

錦衣衛帶俸都指揮同知脫、李羅為左右前軍都督僉事
俱征香爐山功

命河間知府王儉東昌知府李正芳賑撫河南流民檄原籍
復業免徭賦五年

丙寅都督同知孫安為宣府副總兵鎮守獨石馬營

命畿內山東河南捕蝗種

鎮朔將軍宣府總兵官右都督紀廣卒廣句容人襲隆慶右
衛指揮僉事有膽略臨陣不懼賜祭葬贈溧陽伯謚僖順

命南京各衛官分地巡捕歲代

麓川頭目陶孟刃邦緬等前入貢下錦衣衛副象所至是乞

放回不許

戊辰都督僉事過興為鎮朔將軍總兵官右都督鎮守宣府

召鎮守延綏右都督王楨還京署都督同知郭震鎮守延綏

論笞杖罪杖自九十笞自五十下納贖通減

遣錦衣衛指揮治居庸關道便運

己巳命浙江江西蘓松淮徐等鎮撫官勸賑

夜火星^犯昴宿

辛未上南郊

夜月犯軒轅

壬申右都督楊俊率兵八千護送北使巡宣府已協贊軍務
山西右叅政葉盛言俊舊棄獨石不守令亦何顏乞止令游
擊將軍都督僉事劉深巡宣府從之

甲戌賑徐州饑

戶科給事中路璧言瓦剌報使無益在脩德厚邊積糧練師
招賢安民旌忠上是之

丁丑召太子太保兼左都御史王文還京

科給事中劉珠行人劉泰往祭故暹羅國王波羅摩刺劄

的刺并封其子把羅藍米孫刺暹羅國王

戊寅梧州通判陳謨為知府賓州判官錢積中為知州俱殺

賊功

保定知府傅霖言捕盜御史擾民悉召還

賑除慶州復業流民

留守左衛小旗徐靖請北使人回令自荷裝又欲調兵禦寇
命給靖冠帶月米二石赴都督孫安參議

已卯免鳳陽揚州災租十一萬四千餘石

庚辰瓦剌使臣都督同知察占哈只阿力俱為右督都督

僉事兀馬兒阿老丁俱為都督同知餘進秩有差
調五軍營卒千五百人協守良鄉涿州

壬午右僉都御史蔣琳鎮守貴州提督軍務
河復決沙灣

癸未復董興右都督

錦衣衛小旗聶忠言國初用紅盔黑甲正統間改明盔明甲

至 上皇北征土木起營時南坡有明盔明甲疑勇士哨馬
來迎不備致敗乞改明盔明甲仍舊又永樂間青夷多不過
五十人今使動二三千乞戎瘴地絕之又國耻未雪乞繫

臣家屬願率兵萬五千往勦也先 上誕之不許

甲申禮部工 東宮冠禮

乙酉山西布政司右叅政林厚坐誣奏左副都御史牟富削

籍

丙戌勅瓦剌太師淮王也先曰太師來答使朕回欲遣第恐
更如往者構是非亡益反害滋故不遣人來者乃至三千餘
邊將請謝絕朕念太師誠姑聽後少遣時使驕毆守衛掠
人財物至欲騎入長安門稍約束即彎弓相向吏卒不敢問
山西道監察御史鄭時上三事敦節儉以厚財用嚴賞罰以

肅軍威節勞役以厚民生九月到京從之正月終遣回盡

丁亥巡撫淮晏等處右僉都御史王竑言去年正月大雪樹

介夏秋雨水今春寒洎倍冬是陰盛陽微殆食祿者君子少

而小人多也望進君子而退小人省刑罰而止聚斂節財用

而抑貢獻罷妄作之工嚴爵賞之濫庶幾人事脩天變可回

上從之詔脩省求直言仍賑恤災民

二 朔子朔畿內山東河南水災遣祭東岳河瀆

勅保定侯梁珪仍充總兵官總督軍務同內官梁達都督陳

友右都御史李甯勦五開清浪等叛苗貴州左都督方瑛授

太僕寺卿宋瑛為兵部右侍郎清黃

已丑徐勇嗣武康伯徐禎子

廣西都指揮使黃玠為前軍都督同知勅赴京獎賚訖蒞舊

任

免廣平府災租六千四百餘石

庚寅巡按福建監察御史許仕達擅逮漳州知府馬嗣宗至

京大理寺駁之以懲貪宥仕達

辛卯進士鍾清為吏部稽勲主司

諭禮部禁言事繁飾告訐

壬辰太子太保兼兵部尚書儀銘掌詹事府右春坊右司直

郎林聰改吏科都給事中仍支從六品俸

減近侍官及內府供奉宿衛日饜有差

癸巳太子太保兼左都御史王文為吏部尚書兼翰林院學

士直內閣

甲午築白廟見堡於龍門關西二十里

乙未皇太子冠

詔河南東昌苑徐今年減運京糧河南轉餉大同俱告災故

丁酉夜大星青白色自右攝提行文餘大如瓜光燭地涿天

紀一小星隨之

己亥治京師至通州遠道便運

壬寅禁科舉冒籍

召游擊將軍右都督楊俊回京

甲辰倭陷福建清灣巡檢司城

乙巳署尚書司事太常寺少卿朱禮卒

丁未署都督僉事雷通為平羌將軍都督僉事總兵官鎮守

甘肅

已酉吏科都給事中林聰等請廷臣有喪悉終制不必奪情
從之

夜大星青白光燭地自宗正流游氣

庚戌免吉安去年欠租二十七萬八千餘石

國子監祭酒劉鉉請終繼母喪從之

辛亥右春坊右庶子署國子司業王恂為國子祭酒

壬子薛琮嗣陽武侯薛銑子

夜大星赤光自帝座涿宗人星

癸丑右都督楊俊下臺獄俊以游擊將軍送北使至永寧衛

醉杖都指揮姚貴被告因封還歷來勅命科道劾其跋扈論

死錮之

乙卯沂王及榮王冠免賀

昌平侯楊傑卒

丁巳降楊俊都督僉事俊既囚適楊傑卒傑母魏氏乞暫釋

治葬從之

三胡午朔吏科都給事中林聰等言初任未兩考陞任未一考

并年衰者皆不許推舉從之

監察御史左鼎言四事脩軍政遵成憲汰冗員責成效其汰

况員曰主事每司不過二員今增為十御史各道共六十今
百餘部有兩尚書都御史數十北京官之冗也河南布政司
叅議二今則四按察司僉事三今則七夫官皆為民今特設
撫民則餘復何為哉此外官之冗也乞內外官非洪武之舊
酌罷之庶省民力上大是之

已未裁各屬糧長凡糧不萬石止糧長一人
夜土星逆行亢宿

壬戌平羌將軍甘肅總兵官都督同知王敬卒

乙丑金木二星合於壁又大星赤光燭地自貫索涿太微垣

丙寅夜月犯軒轅

丁卯琉球入貢

壬申鎮守易州等處右僉都御史陳泰兼提督劉馬關

癸酉禁命婦再醮

丙子太子太保兼吏部尚書翰林院學士王文請御史及布
按二司回京各舉刺屬官否則罰從之

戊寅南京戶部尚書張鳳改南京兵部兼叅贊軍務戶部右
侍郎沈翼為南京戶部尚書

少監戴細保提督福建銀場

湖廣苗掠古城右都督陳友擊敗之

已卯武康伯徐勇卒

南京兵部尚書徐琦卒琦字良玉錢塘人永樂乙未進士授行人進刑部員外郎未赴改北京行部兵曹已改行在兵部職方宣德六年以右通政諭安南黎利還拜南京兵部右侍郎又往使黎麟降正統初考察南畿官吏五年叅督南京守備景泰初進尚書明敏有斷務持大體時論頗重之賜祭塋謚貞襄

庚辰召還總督兩廣軍務左都御史王翱

辛巳命勲臣俱習武藝

賑徐州饑免逋租夏稅

壬午禮部右侍郎兼左春坊左庶子鄒幹賚三萬金賑濟寧

徐州

賑永寧縣饑

癸未大隆福寺成寺甲京師費以數十萬工將臨幸監生

濟寧楊浩西安姚顯各言非所以示天下禮部郎中章綸亦

言之即日止

丙戌昏刻大星青白光自庫樓流至濁

丁亥內黃知縣周源為常州知府源治縣勸學課耕特旌之
四期子朔復築沙灣決口

庚寅召宣府右副總兵都督同知衛穎右叅將都督僉事張
欽還京時宣鎮兵少

吏科都給事中林聰言銀場礦徵乞罷福建歲課章下撫按
甲午駙馬都尉沐昕卒

乙未南京禮部右侍郎姚夔改禮部

前軍都督僉事脫字羅賜姓名脫順

丙申太子太保兼刑部尚書俞士悅以大隆福寺成建齋請
收梟屍釋械罪刑科給事中尹旻糾其謬不問

前大理寺左少卿沈粲卒粲字華亭人永樂間同允度

俱善書直內府歷翰林侍讀右春坊右庶子大理寺少卿

庶子右起副都御史馬昂總督兩廣軍務

監察御史左鼎等言七事求實才以任民收停銀課以杜民

患務踐言以信斯民減工匠以省虛費禁游惰以敦本業專

委任以謹邊防選大臣以清治本下廷議

夜月食

癸卯改南京倉糧三十萬石於徐州備賑

夜月犯建星
甲辰吏科都給事中林聰等劾太子太保兼吏部尚書何文淵太子太保兼通政使李錫太子太保兼刑部尚書俞士悅工部侍郎張敏俱不職惟命錫致仕餘不問

丙午免長沙去年灾租之半
丁未雲南叅贊軍務大理寺左少卿鄭顯為右僉都御史仍

舊任

戊申定各庄內府四之外官六之

癸丑命沿河有司收雜木易米賑民

夜大星二一赤自左攝提涿房宿一青白光燭地自北斗杓

涿雲中

丙辰免運河舡帶磚每磚輸粟一升貯官倉賑饑從安東興

史黃鎮之言

戶部左侍郎兼太子賓客劉中敷卒中敷大興人以靖難城守諸生授陳留丞進工部員外郎嘗署部事遷江西右叅議宣德初遷山東左叅政進左布政使正統初長戶部嘗械長安門得釋又召問貢馬駝留大同若干芻料若干不能對下獄削籍景泰初起左侍郎謹約食不重味家無厚貲年七

十四賜祭瘞子給事中璉乞恩復尚書

五月己朔免真定災租

左通政藥暉為通政使

移南京倉糧三十萬石於徐淮賑饑以嘉湖積粟抵南糧

己未夜水星犯積薪星

庚申安南入賀 東宮

命巡撫直隸侍郎李敏均田

定濟寧徐州中鹽例

夜大星青白光自天津流雲中

監察御史周文勅翰林院侍講學士倪謙太子少師吏部左

侍郎兼翰林院學士江淵俱奪情有玷經筵詔不問

辛酉免長垣災租

己丑前軍都督僉事楊俊嗣昌平侯楊洪庶子

夜大星赤光自鉤陳流雲中二小星隨之

丙寅前刑科給事中王僊以匿喪削籍

工部尚書陳恭致仕右侍郎陳敏筦理柴炭

己巳裁山東山西筦柴炭叅議

太子太保兼吏部尚書翰林院學士王文喪母奔起即起任

辛未瓜哇入貢
壬申山東饑運河間小麥并米共九十二萬餘石備賑
癸酉旱遣官分禱寺觀
甲戌徐州大雨水滄稼民愈饑賑之
乙亥前軍都督同知黃瑛赴召至京留任其家人繫廣西獄者俱宥之

丁丑太子太保兼吏部尚書何文淵致仕

除廣西逃租

木星畫見

癸未召何文淵復任

召監察御史沈琮王驥伍星會陳瓛還京初各從巡撫官理事謂非制也

增陝西按察副使監督延綏慶陽糧料裁其參政

乙酉河又決沙灣北隄四十餘丈

六月丑巡撫河南右都御史王暹言黃河舊從開封北轉流東南入淮右為害正統間徙為二一決新鄭東繞延津封丘入沙灣一決滎陽漫原武抵祥符至項城太康雖嘗築隄沙土善崩議量起軍民協築周防後艱報可

巡撫浙江右都御史洪英兼理鹽法

辛卯時令罷官非贓罪者許輸粟二十石給誥勅戶科都給

事中劉燁等言非所以勵臣節命戶部改正

壬辰太子太保兼吏部尚書何文淵左春坊左庶子兼翰林

院侍講周旋下獄初文淵守温州治行稱最而典銓浸損其

望旋以溫人疏救之至是吏科都給事中林聰等攻文淵并

及旋上甬之給事中曹凱廷諍遂並繫而文淵善太監興

安故復留劾章有囑託內臣語上詰其人終不置對乃釋

文淵致仕旋復秩

太子太保兼左都御史王翱為吏部尚書

甲午瓦剌太師也先誘赤斤蒙古衛都督亦魯伯通好命備

之

己亥刑科左給事中曹凱言戶部奏准軍民官吏輸粟補官

如輸粟四千石以上授指揮又世襲是生民之脂膏養無功

之子孫於無窮也其弊甚大乞該部凡輸運粟豈授武職者

帶俸不任事亦不世襲文職例原籍衙門帶俸終身從之

壬寅靖遠伯王驥求還北京從之

甲辰兗州大雨水

卯刻木星晝見

乙巳復陳璇浙江按察使璇繼軒輒後雖劑以寬而嫉惡懲
奸民甚德之及洪英考察罷璇浙人訴其枉因復任而英來
鎮守又誣劾之科臣交救得雪

丁未昏刻大星赤光自天棊流宦者星

辛亥後府帶俸都督僉事王斌為都督同知

壬子夜月犯井宿

甲寅進士劉泰郝淵之郭本項懷彭城田斌吳琛劉紀楊福

汪清辛訪張瑄章亮陳顥趙銘為監察御史

七月辰朔蠲杭台寧波灾租

鳳陽淮徐開封衛輝南陽兗青萊大雨水順天保定太原旱

朔州電遣視之

丁巳南京太僕寺王榮致仕

己未陝西道監察御史王福為順天府丞

罷納粟補官例

庚申夜大星青白光自天廚流天津

壬戌禳旱分告天地社稷山川之神

協贊軍務太子少保兼左副都御史羅通上百將傳要略
少傅兼太子太師吏部尚書王直等以災變乞減俸不許
癸亥閣臣乞減俸停日饌不許

甲子部院大臣上便民事宜從之

乙丑左春坊大學士兼翰林院侍讀彭^時右春坊右庶子兼翰

林院侍講趙恢主考應天

脩滁陽王廟

始令給事中御史各二人糾察陪祀官齋宿

太子太保兼工部尚書石璞治沙灣決河同教諭彭塤往

夜月祀建星

丙寅戶科給事中何陞言各科都左右給事中闕員往、自

薦保濫授乞吏部今後遵制推選從之

丁卯河南布政司右叅政豐慶言張秋阻運請自清河入

黃河抵開封滎澤轉至衛輝胙城泊沙門陸輓三十里入於

衛抵京師命督運都督僉事徐恭覆報

庚午翰林院檢討兼右春坊司諫曾暹為國子司業

癸酉復兩浙巡鹽監察御史

右都御史兼大理寺卿王來為南京工部尚書兼官如故南

京工部尚書王永壽改工部專理柴炭
太子少保兼大理寺卿蕭維禎為左都御史太子少保兼左
副都御史羅通為右都御史大理寺右寺丞李茂為右少卿
禁暉民越訟
丙子右春坊右諭德兼翰林院侍講徐理改名有貞初土木
之變理倡南遷上薄之累薦不用至是謫閣臣陳循循告
以故遂更名
庚辰勅兩京法司各布政按察司各巡按御史各郡縣恤刑
務悉心推寃

停天下不急工役

湖廣右布政使崔恭為江西左布政使

開封教授黃鑿言近例納粟八百石入國子監需次出身恐

貽譏史策戶部覆罷之

壬午大星青白光自五車流文昌

二月朔戶部右侍郎孟鑑為左侍郎兵部右侍郎李賢改戶

部

婺源朱楹以宋朱熹九世孫求入國子監許之

錦衣衛帶俸指揮使吳安為前軍左都督南京錦衣衛帶俸

指揮使吳信為南京前軍左都督
真定河間廣平安慶彰德平陽旱松江蝗遣視之

已丑廣東布政司左叅議陳贄為太常寺少卿

裁麗江軍民府知事照廢檢核各一

辛卯周府胙城王有矯薨年四十三謚莊簡

河南按察僉事劉清請濬馬曲灣裝載岡百十九里通衛河

便漕又分沁河之勢亡張秋之患行人王晏亦言之

壬辰太常寺少卿兼翰林院侍讀學士陳詢侍講學士兼右

春坊右中允呂原主試順天

貴州道監察御史白仲賢為廣東按察使被劾降鎮江知府

癸巳蠲免東昌今年災租三萬八千三百石有奇

乙未蠲福漳泉興化去年災租有差

鳳陽淮徐山東河南游饑民多死徙總督漕運右僉都御史

王弘大發官廩歛富人粟舟過河下令如意出米粥既河南

山東之存活百八十八萬八千五百餘人又歛富人米麥穀

粟二十五萬七千三百四十餘石銀三千六百七十餘金錢

布半之給災民五十五萬七千四百七十九家又給農具種

子七萬四千三百九十七家他境流寓安輯者萬六百餘家

初諸倉皆空獨廣運倉備京儲主以一中貴一戶部官竝欲
發主者難之竝曰民惟邦本旦夕趨死脫不測治爾召盜罪
不赦然後吾請死主者許之先時工得荒奏驚問奈何無
饑死我民及聞竝事大喜曰好都御史

占城入貢

戊戌右都御史洪英前考察浙江官吏頗私斥被論徵至下

獄放歸

庚子夜大星赤光自鬼宿流軒轅

癸卯監察御史張璣等捕盜畿內

乙巳定清軍御史二年一代

丙午夜月犯井宿鉞星

戊申召南京大理寺卿薛瑄為大理寺卿

庚戌大同總兵官定襄伯郭登疾還朝

署都督同知郭震為征西將軍都督同知鎮守大同署都督

俞事顏彪為都督俞事右叅將協守

辛亥巡按直隸監察御史程敏請移國子監東長安街南從

之

壬子工科給事中徐廷章上言七事曰重官爵師保之位具

經綸調燮之才不可輕昇今部增高書一人都察院增左右
副僉都御史三十餘人又徧加師保高華猥濫所宜慎重曰
慎師儒教官宜用乙榜貢士曰嚴科貢軍依宣德正統例曰
卻珍奇蠻夷屢貢金銀寶石火雞白鹿諸物傳道病民曰固
封守河南山東湖廣浙江可省巡撫唐遠東永平紫荆諸邊鎮
不可闕曰禁謔瀆京師寺觀榜禁淫穢曰誅阿附吏部尚書
何文淵罪免其餘許資王魏汪庭訓陳鉅何澄王遠皆依附
宜罪上以許資等舊臣不問巡撫亦如故

九月卯太子太保兼吏部尚書翰林院學士王文奉喪還朝

吏科給事中盧祥言近議寬恤云謀逆反叛人命強盜許自

首免此非常法 上是之

太子太保兼左都御史陳鑑致仕

丙辰吏科給事中盧祥以辦事吏丁昇乞召回鎮守福建內

臣戴細保夫細保果違法害民不可不察報聞

辛酉夜大星赤光燭地自紫微西籓流近濁二小星隨之

壬戌夜大星赤光燭地自北斗杓流近濁

甲子福建備倭署都指揮僉事王雄追賊海中被執釋歸降

秩立效

乙丑定科舉歲貢額如正統例

工部尚書石璞等鑿河長三里避沙灣決口通運河從御史

練綱之請而教諭彭埶先言之

庚午免柳州桂林去年災租二萬二千五百二十餘石

哈魯忠順王倒瓦答失里私會也先上聞之命嚴邊備

總督南京糧儲右副都御史軒輶奔父喪還任

辛未除光祿寺少卿陳誠軍籍山東清海衛

大風雷

癸酉寧夏副總兵都督僉事馬讓疾免東路左叅將都指揮

使王榮為右軍署都督僉事副總兵

國子監祭酒王恂卒恂公安人宣德五年進士選館授檢討

進脩撰以大理右寺丞巡撫貴州景泰二年改右庶子領司

業四年進祭酒能頒列條教沒諭祭

乙亥定禮闈分考官俱詞林科第毋預教官

太常寺少卿兼翰林院侍讀學士陳詢為國子祭酒

武昌黃荆早開封汝寧大水遣視之

丙子遼府枝江王貴熠薨年三十九謚莊惠

庚辰李浩服闋補南京工部右侍郎

辛巳時諭禮部凡建言者參看或違例假報復具奏罪之吏
科右給事中潘崇謂其過言路不聽
癸未刑部右侍郎耿九疇改右副都御史仍鎮守陝西以侍
郎不能攝御史也
十丙戌時四夷貢使多至千人需索凌奪不可禁禮部請治其
使臣譯者不聽

前工部尚書周忱卒忱字恂如吉水人永樂甲申進士選庶
吉士預脩大典授刑部主事進員外郎尋除越府右長史宣
德中拜工部右侍郎巡撫江南一切破崖岬興利祛弊臨民
和易雖卑官賤隸傾懷接納尤機警善籌畫諸郡錢穀巨萬
一屈指無遺筭遇時通變公私皆羨歷戶工部尚書仍巡撫
欽仕賜祭葬謚文襄

袁宏曰予粗聞故老言文襄事甚衆練達精密雖古之劉
晏韓滉何以加焉誠理財善事也其最善者在咨詢不倦
務集衆思不以所能自矜故所建立皆審計利害可施之
永久夫以文襄之才受知聖主又有三楊當國夏忠靖
在戶部故得久於其任言無不從以辰布所蘊然猶困於
多口今觀公所上執政書曉、馬自辨之不暇讀之可為

太息嗟乎天下萬世有公是非彼譏人者烏能訾公哉
談遷曰周文襄生財節用東南實式賴之史謂其多費餘
財結權貴信任群小意當時權貴莫踰王振而振籍家得
金入錫云義子周忱百拜夫文襄雖借交固位何至覩喪
若此也或內監同名氏者不當以傾文襄

左軍都督同知劉得新卒

夜大星青白光自五車流軒轅

庚寅勅各鎮守巡撫等官課農墾荒

壬辰浙江按察僉事彭貫被劾致仕貫剛毅善斷治獄多平

反

甲午右僉都御史鄒來學為左副都御史仍提督永平等處
軍務右春坊右諭德兼翰林院侍講徐有貞為左僉都御史

治沙灣決河

後軍都督僉事徐恭為都督同知右僉都御史王竑為左副

都御史仍理漕運

乙未李祖壽廕府軍前衛百戶司互郎兼編脩李泰嗣伯父

太監永昌至是錄永昌軍功泰子祖壽廕馬

戊戌危刺也先貢馬書稱大元田盛大可汗田盛猶言天聖

也末稱添元元年書曰往者元受天命主夷夏今已有其位
盡有其國土人民傳國玉璽敬遣使脩好仍通問 上皇

己亥夜月蝕犯六諸王西星 順義人

鎮守花馬池右軍署都督僉事王榮卒

辛丑提督遼東軍務左副都御史寇深兼巡撫及總督屯種

倉場糧儲

乙巳遼東副總兵右都督施聚為左都督

後軍都督僉事郭瑛卒高郵人

丁未浙江道監察御史練綱協贊陝西延綏軍務

戊申復主事提調清江提舉司

庚戌免柳州荒稅

壬子陸矩服闋補右僉都御史

十月癸丑朔仍留陝西各府撫民官

甲寅日本入貢

右僉都御史陸矩叅贊延安綏德軍務馬恭還京

十二千餘騎犯遼東興水堡左副總兵都督焦禮擊卻之

丙辰瓦剌也先弟賽因孛羅魯王等入貢

庚申封幼壻內丘王

癸亥上皇萬壽節群臣請賀詔罷

甲子荆王曠嫔王母張妃永樂末封宣德四年之國建昌

正統十年改封靳勤學好古祇慎肅恭延攬文學之士年四

十一謚曰憲

丙寅殷勇營署都指揮僉事黃鑑為署都督僉事副總兵協

守寧夏

停山西今年被災田租五十七萬六千八十餘石

丁卯夜月犯六諸王星五色雲見

戊辰以御史張鵬言簡東宮師傳講讀官命胡濙王直陳循

高穀王文儀銘江淵蕭鑑俞山俞細高輅日更番侍班左春

坊大學士兼翰林院侍讀彭時專講書詹事府丞李侃李齡

右贊善兼檢討錢溥編脩劉吉專侍讀吏部郎中王謙中書

餘人兼正字趙昂更日侍書

浙直山東河南自是日雪至正月積數尺淮海俱冰人畜凍

死亡筭

夜月犯星宿

辛未皇太子見濟薨謚懷獻

丁丑蠲河南災租七十九萬八千一百七十七石

己卯太子少保兼左都御史蕭維禎母喪命奪情奔喪復任
辛巳前禮部尚書楊肅卒肅字仲舉吳人洪熙初大學士楊
士奇薦之授翰林檢討歷編脩脩撰遷邠府長史致仕景泰
初入朝拜禮部左侍郎致仕四年復入朝進尚書仍致仕素
敦行以德重稱其處人所不堪無幾微介於意賜祭塋

馮時可曰仲舉以布衣至一座其遇合亦罕當重任輒自
免無所繫吝蓋恬穆性然哉乃若請朝 英廟陳古遜讓
事抑何卓見遠識勇於為義至此天順鼎革獨不蹈噬臍
之禍詩曰既明且哲以保其身其斯之謂與厥嗣請就一

簿聊坐烏衣善繼公志矣肅卒召子瑛入朝乞本縣主簿

林之盛曰予聞之陸文裕公曰楊公在景泰朝人謂其憤
憤不達權變每醉二叅椰榆之供浮白一笑然楊公為
景廟從龍之臣可立致青紫而請朝南城辭榮不就此固
智士所不能為者竟為之無畏首尾天順復辟禍亦不及
故曰寧愚毋智斯可以任事

十 二 癸巳吏科都給事中林聰言也先報書母從其偽稱安遠
侯柳溥言仍瓦剌太師部院諸臣請稱瓦剌可汗以廢之禮
部儀制司郎中章綸言可汗雖夷狄常稱實其尊號觀上唐

太宗為天可汗元世祖為成吉思汗奈何以加也先莫若別
封敬順王或瓦剌王

丙申遼東左副總兵右都督焦禮為左都督
免濟南青萊災租二十四萬六千三百十四石

夜月犯井宿

丁酉前南京大理寺少卿呂昇卒餘姚人貢士

己亥南京右都御史陳勉卒勉字希進寧都人永樂丙戌進
士授御史歷廣東按察副使左副都御史南大理寺卿外和
內剛吏治敏捷

庚子夜犯月軒轅星

辛丑定稱也先瓦剌可汗

乙巳夜月犯氐宿

丙午徵福建鎮守少監戴細保以奉御來住鎮守

庚戌免鳳陽夏麥九萬一千一百十三石有奇

兵部郎中殷謙為右通政

壬子賑隆慶州復業貧民

是冬建昌武昌漢陽疫

甲戌景泰五年

正朔丑朔上皇在南宮

江南大雨雪連四旬不止

丁巳平鄉伯陳輔卒

戊午黃河清於龍門為城廷臣欲賀止之

己未禁南京快艇帶貨

辛酉夜大星青白光燭地自氏宿流從官小星十餘隨之

甲子上南郊

乙丑免慶成宴

少保兼兵部尚書于謙言北使多携所掠人口或父母妻子
識認悲泣其家無力贖令通事昌英等諭令給賞以酬之報

可

丙寅蠲廣平真定保定淮安黃州去年田租

丁卯勅諭入覲官

右副都御史馬恭致仕

戊辰夜金木二星會奎宿

辛未裁遼東苑馬司復州龍潭二苑

壬申開福州建寧二衛錫場

左春坊左庶子兼翰林院侍讀周旋卒永嘉人正統丙辰進士第一

夜月犯空宿

癸酉夜月犯鉤鈴下星

甲戌平江侯陳豫太子少師吏部左侍郎兼翰林院學士江

淵撫安山東河南時連年水旱

太白晝見

丙子夜月犯建星

丁丑巡撫河南右都御史王暹劾免

戊寅順天冒籍貢士尹誠汪諧陳益龔龍黃顯李隨李森錢

輪除名

己卯福建按察使張彥失職降黃巖知縣

辛巳都指揮使曹廣署都督僉事充叅將守備遼東開原

二月未報賜也先及阿剌知院忒古系猛可等王子綵幣有差

進士鄭冕周清董廷圭吳綽靳敏李人儀陳傑杜昇為南京

監察御史

前軍署都督僉事崔福降都指揮使沮壞馬政

丙戌金星晝見

丁亥夜金星犯月

停文水縣逃租

令三營總兵官石亨柳溥張軌上戰禦方略

已丑兵部左侍郎翰林院學士兼左春坊大學士高輅同經

局洗馬兼翰林院脩撰李紹壬禮闈

壬辰定邊衛儒學正行釋菜禮毋用牲

癸巳巡撫湖廣右都御史李實好作威人厭苦之徵還以工

部尚書王永壽往

丙申內使阮得陳攬等乾沒草料下獄

雲南右叅將都督僉事李友卒壽州人

丁酉禮部右侍郎兼左春坊左庶子鄒幹理柴炭

己亥琉球署國事尚泰久入貢言兄國王金福薨次兄布里

與姪志魯爭立壞賜印國人推立臣乞補賜印

辛丑太子太師晏遠侯柳溥為太子太師平蠻將軍總兵官

鎮守廣西宣府左副總兵都督同知楊能還領神機營總兵

官都督僉事楊信克宣府左副總兵都指揮僉事苗貴克副

總兵鎮守貴州代方瑛

太子太保兼戶部尚書金濂卒濂字宗瀚山陽人永樂戊戌

進士授御史歷按廣東江西浙江廣東廉甚進陝西按察副
使督餉尋進僉都御史提督寧夏歷副都御史等邊宴然拜
刑部尚書頗刻峭南征閱賊進宮保戶部尚書見劾改工部
剛果有才望植多事理儲賴之然匿詐褊執云年六十三賜
祭塋追封沐陽伯謚榮襄

甲辰召南京兵部尚書張鳳

乙巳勅中外諸臣脩省求直言

戊申出帑金萬五千給淮鳳揚徐河南貧民易種子

己酉南京右都御史張純改南京兵部尚書叅贊機務南京

管糧右副都御史軒輅為南京左副都御史理院

淮安鳳陽災民虜馬駒二年許四匹買補其一

三 壬子朔策貢士彭華等三百四十九人於奉天殿賜孫賢徐

溥徐等進士及第出身有差

前軍都督同知黃宏奏求霸州武清田閑被劾不許

甲寅免景陵縣災租千三百餘石

乙卯免江寧上元懷寧災租三萬三千一百二十餘石

己未南京通政司右叅議丁澄提督南京倉場

壬戌監祭御史王驥奏河南山東多餓殍而內臣御史太僕

少卿寺丞兵科主事儀馬經縣繁費况儀馬縣不過百十匹
或二三十匹乞專委御史寺丞餘官還京從之

癸亥復黃子嘉東鹿知縣食從六品俸

廣東賊趙音旺等平

己丑進士丘濬耿裕彭華劉鈺陳龍牛綸孟勳何琛吳禎嚴

淦尹直陳政審珍馮定金紳黃縉王寬夏時選翰林^院庶吉士

左春坊大學士兼翰林院侍讀彭時右春坊大學士兼翰林

院侍講劉儼教習閣臣提督考校

吏科都給事中林聰等言一事崇聖德以答天意脩人事以

消咎徵罷齋醮以舒國用禁勢要以限田地汰僧道以去游

食禁私役以振軍旅慎刑獄以導和氣寬班匠以舒民力

上嘉納之

丁卯免河間去年災租三千五百三十餘石

夜月犯氐宿

己巳通政司王復工科都給事中國威為左右通政

免大名去年災租萬五千三百五十石

乙亥南京守備單遠伯任禮協同守備都督僉事趙倫不相

能互詬切責禮降倫都指揮同知調廣西柳州衛

丁丑安南入貢

戊寅禳旱

淮安多盜命太子太保兼吏部尚書翰林院學士王文撫捕

四月午朔日食

癸未監察御史周清守備小龍門

內官監太監陳謹請京城外西湖陶磚瓦戶部謂採草止備

牧不勝陶止之

甲申太子太保兼工部尚書石璜奔喪回京

南京兵部尚書張鳳改戶部

丙戌以山東寒凍遣太常少卿李杲周往禱

丁亥勅河南按察僉事馮進提督巡視開封南陽涿民附籍

撫治

庚寅秦府永興王志撰薨年四十一謚恭

辛卯四川草塘叛苗黃龍韋保平黃龍韋保偽稱平天大王

據地泡山寨掠播州其叔黃定干偽都總兵據水坪大寨貴

州提督軍務右僉都御史蔣琳總兵官都督方瑛會四川兵

擊敗之擒韋保等斬七千九百六十餘級獲二百三十餘人

械入京

癸巳命僧道請度牒於通州運米二十石輸萬金等衛
甲午進士程景雲陳琳康麟黃謹王朝遠高宗本史權徐毅
徐宗熊俊李益王春胡德盛曾清為南京試監察御史
辛丑勅少保兼太子太傅工部尚書東閣大學士高穀祭告
鳳陽祖陵皇陵孝陵為民祈福

乙巳工部計匠二十八萬九千有餘南京五萬八千北京十
萬二千今北京分四班歲四萬五千人從之

巳酉募運通州粟六萬石於龍門赤城

五朝亥朔復李經荅州知州食從四品俸

七先令人規中國虛實戶部以聞

癸丑進士王儀為山東道監察御史

甲寅寧都知縣田聲坐事在京言襄陽逃民多盜宜許其占

籍杜患刑部尚書俞士悅謂占籍事擾民格之

丙辰都督僉事王勇為都督同知

戊午徙谷庶人賦齊庶人賢俱安置南京

夜大星青白光自天市西垣流下台三小星隨之

庶申初木邦宣慰使罕蓋法子罕落法宜嗣職其族思措法
阻之罕落法走孟都蠻求救命左叅將都督胡誌諭之各聽

命

壬戌吏部右侍郎兼少詹事項文曜為左侍郎戶部右侍郎
李賢改吏部

貴州道監察御史鍾同言比者定州新樂縣擒賊二人屬臣
問訊皆云也先便覘中原視形勢要害處也先帳下多有南
人我之虛實彼備知之臣聞此言深為寒心在朝大臣恬不
介意昔秦伐趙諸侯自若獨子順諫燕王曰燕雀乳堂子母
煦相得龜突炎上燕雀不知禍及而顏不變當是時皆以
順為狂燕敗子順言中今在朝大臣有不變之顏矣臣茲言
之不狂則謬臣草茅時聞內豎構惡戕僇劉球諫臣自是銜
口太上北征未見有人明日出諍臣見諸臣之為燕雀也
皇上赫然中興誅強梁旌忠直親六師禦敵於郊下喪氣北
還蓋不戰而三軍之氣自倍臣謂皇上有堯舜之仁湯武
之智周文之小心鞭撻四夷致太平無難者奈何瓦剌甫退
創夷未復侈心遽生願自今無徇貨色無甘游戲親庶政以
總威權敦倫理以厚風俗辨邪正以專委任嚴賞罰以彰善
懲崇風憲以專彈劾去無益之賞罷冗雜之員禁僧道之蠹
民擇賢將以養軍鑿前車慎後軌親率群臣謝過如廟如成

湯之六事自責太宗之十漸即改然後延攬英雄講明方略
則天意可回中國可安而瓦剌可徐圖之矣昔韓信起於餓
夫樊噲出於屠大張良著於亡命古今英雄何常之有唯其
上有漢高用之下有蕭何輩薦之是以能佐命與基昭休流
景合皇求才如渴大臣排抑尤甚雖選將之命屢下中
朝所舉皆膏粱厚祿親戚朋舊屈抑在下者殊難自通即如
曩命將帥人言方略經旬踰時殊不陳奏柳溥石亨有言又
不過侈庸儒之談乏經久之慮平時如此有急胡濟誠念醜

陸梁朝臣欺誑延攬講明具失其道涕泗啞膺歎息拊膺

臣父復昔任翰林臣今同職言路兩世受恩寧忍緘默上

覽奏命禮部集議竟寢

甲子禮部儀制郎中章綸監察御史鍾同下錦衣獄初懷

獻太子慶鍾同諷禮部請復立沂王禮部尚書胡濙輩莫

敢言同疏論沂王事上未即罪會章綸言脩德弭災十四

事畏天戒任燹理養聖躬節幸御務儉約勤論政敦孝義慎

賞賚重名節革巡撫擇重臣辨異端卻貢獻汰冗官其畏天

戒曰昔伊尹告太甲曰立愛惟親立敬惟長始邦家終四海

孟軻曰克舜之道孝弟而已誠以孝弟者百行之本萬善之

源天子所以德教加百姓刑四海者也。太王皇君臨天下
十有四年是天子之父也。與陛下合本共根是同氣之兄
也。陛下身受冊封是陛下上皇臣子也。上皇下廷遠書傳
位是以天下授也。陛下遙尊為太上皇帝是天下至尊
也。幸而奉引還宮是陛下與天下至願至望也。汪皇后正
位中宮孝敬勤儉聞中外矣。陛下冊世子母杭氏為皇
后同謂母以子貴不意世子薨矣。臣竊觀北極五星明大
則吉是復中宮之象。天意欲陛下享閔睢之終正夫婦之
倫也。望退朝之暇尊奉陛下上聖皇太后。太后兩宮脩閑安
視膳禮朔望節日親詣南宮率群臣朝見。辰天顯之愛極恭
厥之道而又念母儀不可久虛復正汪皇后之位推念
上皇傳位之意仍立沂王為太子則親愛全備堯舜可師
六宮儀範不期而正出震繼體不期而毓。上大怒夕逮綸
已逮同榜掠之迫引大臣及通南城狀竟不承以鍾同先上
言并逮欲殺之。會風霾得少間進士常憲楊集觀政兵部工
書于謙曰黃玠為易儲之說脫死耳明公國柱石也戀宮僚
之貴而不思所以善後乎。脫章綸鍾同死杖下而公坐享崇
高如清議何集謁選得六安知州。

儲瓘曰當是時元臣故老猶多在列噤無一語獨綸以死
爭帝怒寘之獄濱死或者謂帝意他有所在故罪綸
特甚是蓋不然綸所言觸忌諱者多矣帝於此特遲留
不即處分耳懷獻既薨帝繼未有嗣舍故太子不
立而誰立乎此理勢之必然者異時茂陵詔復帝舊號辭
旨溫厚且追究當時權臣而已帝之意至是益彰矣

河間順德廣平真定大名早

乙丑封幼圻廣宗王幼塢唐山王幼堪永年王成煥博野王
晉沔岷世子晉載南渭王

南京總督糧儲通政司右叅議丁澄被劾下獄

丁卯南京工部尚書李浩督理糧儲

成都推官何福全為威州知州以夷民詣闕得之

己巳巡撫湖廣刑部右侍郎李棠疾還京

辛未浙江按察僉事永新劉克考致仕

壬申昌平侯楊俊冒支布麥下獄尋釋

癸酉總督兩廣軍務右都御史馬昂兼巡撫廣西

丁丑諸城知縣余真為莒州知州

六月己朔蠲濟南青登東昌懷慶衛輝汝寧南陽旱災夏稅

壬午余儼服闋補右僉都御史仍清黃
忠勇伯蔣信卒信忠勇王也先土干之甥初名把台賜姓名
從上皇臨能擁護賜祭葬贈忠勇侯謚僖順

癸未城南京光祿寺歲酒三萬瓶

丁亥復太原稅課

戊子錄囚

甲午總督南京糧儲工部左侍郎李浩兼理屯種

丙申朶顏衛都指揮阿兒乞蠻來貢馬言瓦刺也先勾三衛
且欲內犯

戊戌留蘓松常鎮夏麥備賑

己亥雲南左布政使賈銓湖廣右布政使馬謹右叅政徐備
按察副使陳質定州知州王約清苑知縣吳宗慶俱治績有

稱賜誥勅貶封贈

辛丑易州大風雨雹拔木傷稼方百餘里

泰寧等衛都督僉事革于帖木兒等言也先見擾求附塞居
大寧廢城及甲盾兵部持不可勅曰大寧城迫近塞不便射
獵又炎暑恐生疾疫非所宜居其去塞二百里任牧毋犯邊
吏約甲盾不爾各寇至則給

南京翰林院侍講學士邢寬卒寬字用大無為人永樂甲辰
進士第一授脩撰進侍講南侍講學士署南雍孝友善文若
足疾不樂內朝云

癸卯太子太保兼吏部尚書王文賑饑蘓州獲長洲盜二百
人奏上誅十六人餘戍邊文支蘓松常鎮淮揚糧九十七萬
二百十三石有奇賑三百六十二萬一千五百三十六人

金星晝見

乙巳進士唐泰為吏部稽勲主事

戊申太子太保兼吏部尚書翰林院學士王文為少保吏部

尚書兼東閣大學士

己酉夜火木二星合於胃宿

是月揚州大風雨潮決高郵寶應

七月戊朔南京大理寺左少卿廖莊言臣入仕十餘年間見

陛下向在邸邸太上臨朝冊封令群臣歲時謁賀恩禮隆

洽今深居南內陛下起居大見踈曠非所以慰天心教天

下又太子陛下猶子宜使親近儒臣輔成德器以端

國本以繫人心不報

邠刻木星見

辛亥復邢隆無錫縣丞

僧錄司右善世南浦等納賄度僧下法司尋宥之

壬子木星晝見

癸丑禁外夷經處私販

白溝河決

己未長垣知縣蕭翼為順德知府

庚申勅閣臣纂脩天下地理志遣進士王重探訪

辛酉旌昌黎訓導洛陽闢禹錫孝行

癸亥京師大雨水壞城郭即築治

木星晝見

丙寅召太子太師兼吏部左侍郎翰林院學士江淵

太子太保兼兵部尚書儀銘卒銘字子新高密人父禮部侍

郎智給廕事中改翰林脩撰進侍講正統五年改邸府左長

史持正不阿景泰初拜禮部左侍郎明年進南京禮部尚書

已召還進太子太保兼兵部尚書領詹事府言弭災歎事錄祖訓

上之質直負氣遇事侃、不媿其父贈太師諡忠襄祭葬子

海簷錦衣衛百戶

談遷曰遇合自有時如儀忠襄以任子起家省院因溢常

秩矣迨轉邴邴未免賈太傅之誣反藉以通顯人生出處
可豫定耶彼號為才學非矜炫則澳忍聞忠義之風亦可

以為世戒焉

丁卯禮部尚書胡濙兼署詹事府

己巳戒饑民盜粟之罪

庚午封左都督方瑛南和伯左僉都御史蔣琳為左副都御

史都知監左少監梁達為太監俱征草塘苗功

壬申仍遣給事中御史禮部官考僧章給牒

癸酉蘓松鳳陽淮安廬揚大水

丙子趙王贍塙費年四十三謚曰惠

是月成都大雨水壞城

庚辰朔定真人節以正班祭酒下

復李燦涿水縣丞

癸未安南入貢

乙酉備倭都指揮使翁紹宗為中軍署都督僉事巡撫南畿

丙部右侍郎李敏為尚書備倭巡撫如故監察御史彭誼為

大理寺寺丞

丙戌雲南總兵官檻送賊子思機發等至京師伏誅

戊子夜月犯建星

己丑夜月犯牛宿

辛卯擇戶部官覈災江南

壬辰爪哇入貢

甲午召鎮守臨清平江侯陳豫

丙申正一嗣教冲虛守素 紹祖崇法真人張元吉為正一嗣

教清虛冲素光祖演道崇謙守靜洞玄大真人掌天下道教

事

丁酉蔣也見李忽嗣忠勇伯蔣信子

太子少保左都御史蕭維禎奔喪還朝

復巡撫入京議事連東大同歲一至寧夏延綏甘肅決歲一

至期四月朔各京省歲一至四川廣東廣西雲貴決歲一

一至期八月朔

巡按廣東監察御史盛景巡撫廣東右侍郎揭稽互訐奏按

之情偽各半俱下獄

戊戌秦府輔國將軍公鈴公鐘內亂廢為庶人錮京師

巡按河南監察御史張瀾言原武黃河東岸先開二河合黑

陽山舊道引水濟徐呂二洪今改決而北二新河水不通二

洪宜改濬一河仍接舊道入洪約二萬人度一月罷徙之
內使田福私已至藁城捕誅之

夜大星青白光燭地自紫微東藩流雲中火星犯六諸王星
已亥南京翰林院檢討王穉署院事

始考勳戚家塾儒士

甲辰錦衣衛千戶劉泰伏誅泰善僧官道秀因造妖言誣上

林苑監菜戶李貴兄弟遂反坐初泰捕盜冀功賞也

是月東昌兗濟南大雨河溢傷稼

九月戌山西都司獄逸

辛亥總督兩廣軍務右副都御史馬昂為右都御史

許南京罪囚輸粟贖罪

癸丑翰林院侍講兼左春坊左中允楊鼎為戶部右侍郎

夜金星掩軒轅左角星

戊午少傅兼太子太師禮部尚書胡濙薦道士仰彌高知兵

命授道錄司左玄義協守宣府然實無他長也

壬戌戶部尚書張鳳等上江南恤災事宜從之

甲子夜大星青白光自天樞流游氣

丁卯夜金星入太微垣右掖門

戊辰寧國安慶池州旱蝗遣視之

甲戌曉刻金星犯太微垣左執法星

戊寅戶科右給事中何陞言往使河南見沁河有漏港今水

溢成渠誠令舟從漏港出沁入黃度二旬可達於淮願以臨

清輕舟試險易命左副都御史王竑等相度之

十庚辰右副都御史劉廣衡巡撫浙江福建

免真定廣平順德大名衛輝彰德河南懷慶吉安災租

辛巳赤斤蒙古衛都督阿速上瓦剌也先印檄

癸未鳳翔知府扈暹廉謹先秩滿却人留之食正三品俸至

是秩又滿進從二品俸

丙戌夏瑄服闋補南京尚寶司丞

起復左通政王繼吏科給事中李秉彛言其非不聽

戊子夜大星赤光燭地自紫微東藩流北斗杓後二小星隨

之

己丑命禮部慎選各王府儀賓

免長垣縣雜稅

辛卯罷引沁河時命工部右侍郎趙榮偕行人王晏往視滎

言弗利乃寢時欲罪晏不問

癸巳夜月食

甲午瓦剌知院阿剌為也先大將求太師不許阿剌怒也先殘忍荒酒色諸部稍解散忌阿剌欲討之恐不勝乃自遣其子守西番召阿剌二子從先鴆殺阿剌次子阿剌懼詐言兀良哈盜馬請召還其長子合擊之也先使賽刊大同二王與俱臨行觴焉中途其長子亦中鴆死阿剌益怨始賽刊大同前渡川自後率部落三萬趨也先所歎之曰漢兒血在汝身上脫不花王血也在汝身上兀良哈人血在汝身上天道好還血在我矣也先曰今者我突詰朝與汝戰退與伯顏帖

木兒真孛羅平章等議帳中有阿剌故部曲三人轉事也先久也先不之疑因共趨帳中拔所佩劔刺也先并殺伯顏帖木兒等賽刊王聞變領七千人躡之既知也先死棄衆去乘十七橐駝為其下卜兒答追及射殺之大同王竟西奔也先之強悍標賊倉卒死於所部中國自此息肩矣

前南京禮部左侍郎陳璉卒璉字廷器東莞人洪武首士教授桂林秩滿進國子助教永樂初上巡狩平胡二頌擢知許州尋改滁州政尚平恕太宗北巡聞其治行進守揚州掌領滁如故再九年進四川按察使存大體不細碎猶謂

未峻召改南京通政使署國子監事慶去正統初起南禮部
左侍郎又五年致仕璉孝友和厚博通經史以文學知名賜
祭塋

乙未夜月犯天闕星

丙申夜月犯井宿

戊戌南京刑部尚書楊寧子瑀廕新安衛副千戶世襲

己亥守備廣武營都指揮使種興為左叅將鎮守寧夏西路

庚子進士胡榮王鉉張寧崔忠胡福錢俊張浩俱為給事中

地震

辛丑夜大星赤光燭地自紫微西藩流近濁

癸卯失朝官二百二十四人各奪俸一月

丙午錦衣衛鎮撫門達捕遺盜進正千戶仍治鎮撫司獄復

求陞進指揮僉事

丁未羅山教諭邵祥言今春大寒竹樹魚蚌皆死災極矣乞

主臣脩省從之

十一甲巳酉夜大星青白光燭地自八穀流天舡

乙卯前軍都督同知黃瑛死或曰仰藥云

丙辰刑部右侍郎李棠予告

戊午免蘇松常鎮織幣採買

己未定官吏食鹽

曉刻金土工星合氏宿

庚申吏部考功主事吳誠以躐進被劾調工部虞衡司

辛酉鎮守福建兵部尚書孫原貞上論屯種漕運逃民上

是之

壬戌夜月犯畢宿復掩天閔星

甲子罷南京守備寧遠伯任禮以平江侯陳豫往

丙寅哈密使度阿力札斡甘州驛卒死勅其王自治之

戊辰增召商納草價

甲戌湖廣右都督陳友奏婁羅絞洞上下婆洞等寨及清水

江苗約萬眾流劫黃土坡及平茶等處官軍擊斬三百餘級

都指揮戚安指揮王福劉玉等八人死之餘孽乞調永順保

靖鎮溪等兵兵部疑其詐下撫按酌究

夜大星青白色自內平流太微西垣三小星隨之

丙子左僉都御史徐有貞上言沙灣策曰水之為性可順焉

以道不可逆焉以堙漢世功難劌子易汴渠蓋其徵也河自

雍而豫出險即夷又由豫而究土疎而水益深沙灣之東所

謂大洪口適當其衝於是決而奪濟汶入海之路以去諸水
從之故隄潰渠淤今欲驟堙祇益於潰耳請先疏水水勢平
乃治決止乃濬淤因為之防以時節宣無溢涸而清河可
得而安也 上從之

十 丁戌寅大理寺左寺副王恕為揚州知府

庚辰內閣供奉太常寺少卿王謙調南京禮部郎中蔣宏吏
部員外郎王琮改南京刑部以泄事納賄也

壬午錦衣衛指揮同知畢旺領鎮撫司

免霸州文安大城饒陽災租

丙戌免杭湖嘉興災租五十一萬六千餘石

命禮部榜示喪葬婚嫁服舍舊制禁奢僭

丁亥內使阮綰附司禮太監興安盜官木治剝西山絹論死

安不問

夜大星青白光自太微垣右執法流雲中

己丑南京監察御史鄒亮劾太監陳公等於城濠私植禾藕

命按之

辛卯雲南虛仁驛一丞尚褫上言近者積雲連旬窮陰彌月

陛下體元於上大臣宜盡心調元於下聖學之勤非徒聞

筵進講而已理亂興亡之道天人感應之理須得於心而見
行至於言路非不開也而執政往、據拾條例輕則寢罷重
則中傷 陛下宜親覽其言苟合於理必有區處毋徒今日
行之明日更之二三其德矣親藩日蕃以衆祿養漸耗恐
未能安然自適釋教盛行滿於京師終於道路自王振時今
年曰度僧明年曰度僧日熾月盛宜盡令歸俗務農又師保
滿朝非惟輕名器抑且濫爵賞此非臣之敢言在 陛下斟
酌耳疏上禮部覆覆之

壬辰鎮守處州都指揮同知王瑛言銀場洪武中原額不及
三千金曰歲辦永樂宣德間增額曰開辦如青田縣歲辦不
千金今開辦至萬四千三百餘金民深被其害乞如洪武中
例戶部謂原額太輕下布按二司議上

癸巳夜月犯軒轅

丙申免灤州及昌黎水災秋租千五百餘石

戶科給事中高崇言前募義勇七千餘人乞放歸仍蠲徭一
年命總兵官等議之

丁酉夜大星赤光燭地自北河流五車

戊戌召工部左侍郎趙榮專委徐有貞治河

己亥太僕寺卿李眉為副都御史提督山海等處軍務

免蘇常松江鎮江揚田租二百一萬七千三百餘石懷慶衛

輝堯青濟南東昌各有差

前廣東左布政使戴弁卒浮梁人 貢士 榮陽 訓導 拜兵

蕭養功

壬寅貴州副總兵都指揮僉事苗貴改李姓耻同苗蠻也

癸卯太僕寺少卿趙昱為寺卿

乙巳戶部主事余子俊言光祿供應日濫各寺觀齋醮妄費

乞省一分則民受一分之賜命光祿寺禁約

吏科都給事中林聰教習制吏部為御史黃溥等所劾下獄

論死肩之降國子監學正

此處有缺文

免蘇常松江鎮江揚田租二百一萬七千三百餘石懷慶衛

劉奉瀾

乙亥景泰六年

正月未朔 上皇在南宮

戊申免保定河間廣平大名真定今年鹽鈔

己酉提督薊州永平軍務左副都御史鄒來學巡撫蘇松常

鎮兼理浙江嘉湖水利

夜大星青白光燭地自句陳流天鈞

庚戌太子太保兼工部尚書石璞改兵部太子少師兼吏部

左侍郎翰林院學士江淵為太子太師兼工部尚書視部事

金良輔詹都察院照磨金濂子

戊午 上南郊

己未府軍前衛正千戶曹欽世指揮僉事

武義縣賊盜礦

庚申陳政嗣平鄉伯陳輔子

免河間保定災租

辛酉右副都御史李賓提督山海等關隘

丙寅夜月犯角宿

癸酉罷提督白羊口^等御史董廷圭周清還京

乙亥免應天太平寧國池州安慶和州建陽宣州各衛屯租

二朝已逮巡按福建監察御史無錫倪敬以還京留鄉踰四月

也

壬午勅太監王誠同法司錄囚京師大理寺少卿李茂等錄

囚南京浙江

叅贊延綏軍務右僉都御史歸安陸矩卒年四十八賜祭葬

南寧伯毛福壽改名勝

乙酉福建布政司獄逸

丁亥始除進士知州

戊子免廬州去年災租

庚寅琉球入貢

辛卯徽州饑盜起

壬辰松潘番賊流劫

甲午後軍都督同知鄭銘卒

夜安福縣大雷雨地陷者二

乙未徐永寧嗣定國公顯忠子

丙申增置通州倉

戊戌巡按湖廣監察御史葉繼言二事卻貢獻以制外夷革

游食以實邊衛報聞

勅甘肅總兵官都督僉事雷通參贊軍務左副都御史宋傑

等出塞勦如未犯邊不可輕舉

申監司送迎之禁

夜大星青白光燭地自天梧流七公

己亥陝西按察副使曹璉為大理寺左少卿參贊延安延綏

軍務

夜月犯建星

庚子大理寺卿孔文英為刑部左侍郎大理寺右寺丞彭誼為右僉都御史提督白羊口紫荆等關守備

三月未作內觀象臺簡儀成

壬子雲南鶴慶府進瑞麥

癸丑初浙江征處州賊掣漕卒令民代運至是漕卒復故

乙卯設將軍直舍於午門外

免武昌漢陽荆黃去年災租六萬二千二十餘石

丙辰章江北糧長賦役令里甲催辦

夜火星犯井

丁巳減通州等衛草額如宣德正統例

湖廣苗白總幹等糾洪江等七十二寨攻清浪鎮遠等衛官

軍擊斬二百餘級擒十六人

辛酉始令吏部以經學試懷才抱德之士舊試翰林院止論

檄至是以閣臣言

甲子國子監生儀恭為禮科給事中儀銘子

保定水詔罷其不急之務

乙丑琉球乞市紗羅等於蘓州特許之

己巳工部尚書江淵濬運河自沙灣北至臨清南至濟寧凡
四百五十里役營軍五萬人

四丙子朔日食

命諸生脩贖學官母梳論眩

戊寅霍丘妖人趙玉山謀亂獲之

增御花房

辛巳停山東河南浙江湖廣兩畿災傷所負馬騾芻糧一切
不急之務

乙酉進士樊冕魯崇志何玘為吏科給事中蔣敏為兵科給
事中

庚寅以花馬池興武二營乏草許罪人納糧芻於延安綏德
辛卯上皇第六子見澤生

科給事中嚴誠行人劉儉往封琉球國中山王尚泰久
武安侯鄭宏等二百十四人失朝責跪午門外

戶部上寬郵事宜從之

丁酉前軍都督同知宮聚卒

戊戌迤北王子麻兒可見入貢時，孛來殺阿剌

五月己朔夜火星犯積尸氣

丙午西寧侯宋傑卒

丁未陝西道監察御史錢清醉騎馬突入長安左門詣靈山

知縣

辛亥沙灣成功右僉都御史徐有貞初作捲埽法緯竹大為

編簿土石實之視其潰數十人推而堙之役五萬八千人十

有六月而竣

丁巳召福建等處捕盜左副都御史劉廣衡還京

己未封子屋周王祈鑑趙王祈鑄荆王子據昨成王蒙瑩

枝江王公鈺永興王

滿刺加國王速魯檀無答佛那沙入貢

辛酉前禮部右侍郎王士嘉卒士嘉字道亨武城人監生永

樂初令山陰治最進陝西按察僉事歷陝西右叅政俱著清

譽拜禮部右侍郎牲開燕持正不苟年八十七賜祭

丙寅湖廣左布政使馬謹為左副都御史巡撫河南

丁卯故前軍都督同知黃瓠子瀚襲永清左衛指揮僉事

己巳上憂旱躬禱天地遣告在京諸祀神祇

辛未停湖廣採買

壬申暹羅入貢

癸酉太監王誠舒良張永郝義王勤子弟俱世錦衣帶俸百

戶

六月亥朔勅監察御史張鑿駐臨清聽訟

宋朱熹九世孫挺為翰林院五經博士世襲

復趙信金壇知縣食正六品俸吳江縣丞劉彪為知縣

蠲濟南災租

丙子右春坊右庶子兼翰林院侍講趙恢予告

提督大同軍務左副都御史年富母喪令奔喪復任

戊寅西安平涼旱疫

庚辰左春坊左司直印兼翰林院編脩李泰以嗣太監永昌

乞移贈故祖從之

蘓州地震時蘓松常鎮大疫

辛巳昏刻金星犯井宿

癸未開封高門堤決二十里命葺之

甲申免德慶州秋租

甲午盜陷羅城縣

起復參贊延綏軍務大理寺左少卿曹璉

前南京右副都御史朱興言卒興言萬安人永樂辛丑進士
剛方廉慎不事苛察得大臣體

戊戌夜大星青白光燭地自六甲流華蓋

庚子曉刻木星犯六諸王星

癸卯刑部廣東司救逸

閏二月己酉設四川灌縣守禦千戶所以防董卜韓胡也

辛亥易午門朝鐘

福建按察使楊珏降黃州知府巡按福建監察御史練綱降
邠州判官珏與不綱避綱憾之互抵訐並請綱喜攻人陰罪

人畏其口

劉鳳曰今御史持法稍與古異古謂官邪失德不奉六條

檢察部內者得以糾之猶時一乘傳稱使者今既歲遣而

政之小大無不綜焉其重不以甚乎漢以前命御史監郡

其行事略無所紀若練綱斷擊有足稱者然為文刻深郡

國畏之威令幾如上矣其治雖小有益殆非綏靖和乂不

獲之謂乎

壬子吏科給事中盧祥謫蒲州判官初祥劾吏部左侍郎項
文曜徇私文曜謂其挾隔既廷訊宥文曜降祥命自後會議

俱內閣科道

甲寅報董下韓胡宣慰使克羅俄監粲死命嚴之

乙卯設房縣撫民縣丞

西城坊草場火

丙辰應天淮揚蕪常大風雨雹潮溢滄稼先是苦旱

戊午許禮部右侍郎兼少詹事薩琦歸葬廢母

己未昏刻金火二星俱入太微垣右掖門

丁卯福建多盜刑部尚書俞士悅乞遣在廷重臣巡撫吏部

尚書王直謂宜責三司禁捕上是之非大事毋廷遣

壬申戶部上寬恤減省事宜從之

是月九江南康濟南究青平陽鞏昌臨沅秦階久旱順天真

定永平河間廣平大名開封衛輝大理各大雨水

七月亥浙江都司經歷延祥為嘉興知府

諭閣臣續宋元通鑑綱目遂舉左春坊大學士兼翰林院侍

讀彭時右春坊大學士兼翰林院侍講劉儼侍講學士兼左

右中允倪謙呂原司經局洗馬兼脩撰李紹 贊善兼檢討

錢溥詹事府丞李侃李齡順天治中劉實兵部主事章暉中

書舍人兼司經局正字劉鉞國子監博士陳淮南京通政司

參議丁澄南京尚書司丞宋懷南京刑部張和南京工部主
事劉昌南京國子監學錄蕭士高蘄州知州金銑仁和教諭
聶大年等編纂從之

沙灣河成賜名廣濟

吳道南曰沙灣之決垂十年至是乃塞何成功若斯之難
也古者服能然後任屢遣大臣使之嘗試非向者其人不

任蓋亦任非其能云

淮安鳳陽濟南東昌兖州旱蝗

丙子巡撫江西韓雍奏勸借稻穀百八十萬四千九百石有

奇賑穀九十九萬七千九百五十三石五斗米萬九千四百

十石六斗一升布千一百九十四匹

丁丑免杭湖嘉興藥料

金星畫見

戊寅監察御史倪敬等言天氣失調災異迭見雨水霖霖軍
民艱難臣等敢直陳脩省之助竊惟府庫之財不宜濫予游
觀之樂不可無節曩因齋僧屢出藏金易米供給米價湧貴
不免損民異端惑眾無耕蠶衣食之勞征科徭役之擾厚之
如此則遐陬遠漠櫛風沐雨之窮軍荒年歉歲趨事赴役之

饑民又將何以濟之近聞起造燕室龍舡宴娛頻繁木石資
餉為費不少恐非所以保聖躬隆聖德也報聞

太子少傅兼吏部左侍郎俞山予告

夜月犯氏宿

庚辰徐有貞回院

辛巳刑科給事中吳江徐正有罪戍鉄嶺衛正素邪慝情人

草奏嘗自言己已禦功欲起拜不得因密請對便殿屏人

語曰上皇臨御久臣民多有非望宜出沂王就國增南

宮墻所隣樹灌鉄鋼其鑰上駭而叱之請雲南臨安衛經

歴正不即行游妓家不赴下之錦衣獄遂成

談遷曰景帝之怒徐正無忝同氣然終於鋼其鑰伐其

木何陽謹而陰中之也理不勝私讒慝之口微啟其竇大

之則司馬昭之殺成濟次之則景帝同一機也

裁山東筦泉主事

癸未河南石叅政王槩為河南按察使

甲申監生俞誥為工科給事中俞山子

禮科都給事中楊穉等乞大臣子孫乞恩入監者罪之報可

賑淮安鳳陽廬揚和滁饑共粟二十二萬一千一百二十四

石

戊子夜大星青白光自文昌流近濁

庚寅勅南京各官脩省

辛卯免文安縣災租四千一百餘石

丙申夜大星青白色自七公流右攝提星

丁酉禁屠耕牛

木星晝見

辛丑秦王志潔薨年五十三謚曰康

壬寅勅諭灌頂國師贊善王班丹堅制等護邊脩職毋信逆

北十誘

癸卯勅都察院考察御史

甲辰朔應天鳳陽寧國太平安慶廬徽池淮安揚蘄常廣德

滁和旱

乙巳監察御史倪敏黃讓盛景羅俊杜宥汪清婁濬蘄廉祿

王儀王紀白瑛金澤左源朱倫並請典史林璟請驛丞以考

察斥倪敬嘗陳時政忤旨人頗惜之

丁未太子太保兼中軍都督僉事張觀為右都督

己酉泰寧衛都督僉事革干帖木兒奏十箇毛里孩立脫

不花王幼子而自為太師掠我三衛擊敗之命邊將嚴備

毛里孩

甲寅右僉都御史鄭為左僉都御史

行人盧升進士李曰良呂益宋有文汪霖龍晉楊奎丁慈史

蘭茂彪張綱伍驥毛倫劉充呂洪李志綱王齊郁文博溥鏞

教諭袁純鄒鼎訓導劉敬盛忠薛驥陳勗郭觀施謙俱為試

監察御史

丁巳夜大星赤光自河鼓流近濁

戊午夜金星犯房宿

己未會同縣苗賊作亂

庚申南京大理寺左少卿廖莊謫陝西定襄城驛丞先是莊

請朝上皇復沂王上嘆之久及母喪赴京給驗既朝

見上大怒即墜前杖八十謫之并杖在獄禮部郎中樂清

章綸監察御史永豐鍾同同逾六日卒於獄同字世京景泰

辛未進士授御史遇事敢言方疏復儲馬過溝伏不起同輓

轡曰吾不畏死爾則奚懼後三日馬死厩中既歸塋烏鵲巢

樹生白雛者四天順初贈大理寺左寺丞子啟廕國子生成

化中謚恭愍祀忠節祠

何喬遠曰明初承平之治至宣德正統而極大小臣工莫
不將順頌美憂治危明乃得李時勉劉球二人景泰之季
廖莊三人開口奮臆不有其身其所持論皆宗社大體要
矣

談遷曰廖安止復儲之請可一年始杖謫曰帝豈一日忘
之耶待間而發也鍾世京少過廬陵忠節祠銘座右曰生
不登第死不入此祠非丈夫也士固有志彼倉卒激切死
所不可知亦溝瀆等耳丈夫云乎哉

大理寺右少卿李茂調南京

夜大星青白光燭地自井宿流近濁曉刻木星犯井宿鉞星
辛酉朝鮮國王李弘暉幼得疾讓其叔璫署國事詔許之

丁卯禁中外官擅械罪人

戊辰監察御史章亮陳顯以考察謫驛丞

設福建壽寧縣析建寧之政和福安地

庚午南京署太常寺禮部尚書章文調詹事府

戶科給事中孫珉受賄戍肅州衛

辛未追旌表義民勅書時義民多建御書樓勅書閣立石違
制巡按直隸監察御史楊貢言之

廣西賊破欽州擄知州姜原性

南京前軍左都督吳信卒

九癸酉朔夜大星青白光燭地自孫星流至濁

甲戌永嘉大長公主薨配駙馬都尉郭鎮

乙亥進士李敏江勛唐彬桂琛李裕張僖葉淇俞紀白侃張

岐樊英康驥李麟陳貴國子監學正劉濬教諭尹淳監生楊

銘滕昭劉淵趙璵蔡浩張珩俱為試監察御史

賑蕪松常鎮饑民米麥苴穀共一百萬二千七百餘石

夜大星青白色自天井流至濁

丁丑貴州鎮遠苗叛

己卯監察御史劉紀巡通州倉娶部民女下錦衣獄謫廣西

高橋驛丞

壬午昌平侯楊俊蒸庶母下獄

甲申夜大星青白色自壁宿流游氣

提督松潘兵備刑部左侍郎羅綺言土番張蠟國師商巴姪

吾兒哲等濟惡臣致其姪南柯兒誓攻滅之兵部尚書于謙

謂夷心叵測倘謀泄以朝廷誨戕同類非義也 上是之

丙戌復傳子榮知縣縣丞食正七品俸

召高中鹽貴州納粟

丁亥復董貫應天通判食從五品俸

戊子南京監察御史苗穉李堅潘鏞孔鑰俱降典史秦紘載

昂楊敬俱驛丞以考察

右僉都御史陳泰治運河成自取儀至淮安百八十里役六

萬餘人

甲午夜金星犯南斗魁

丙申令張家灣權木如淮安例

戊戌宋誠嗣西寧侯宋傑子

庚子漕河多盜命捕之

夜月犯亢宿

壬寅宋程頤裔孫克仁為翰林院五經博士世襲

濟南東昌青堯河南衛輝懷慶平陽大旱武昌漢陽德安黃

荆岳長沙沔陽安陸蘄大旱閏六月江溢傷稼

脩先賢顏回曾參程顥朱熹祠

十唐成大名縣野蠶成重禮部欲賀不許

山東右布政使吳存卒南昌人貢士

夜大星青白光自天圜流天倉

辛亥夜大星赤光自北斗歷紫微垣流東籬外
京城多饑盜分遣御史官校捕之

甲寅召商中鹽納米霸州文安固安寶坻等縣賑饑

乙卯逆西脫、不花王子麻烏可兒吉思及毛里孩孛羅等

以四萬騎攻阿剌知院阿剌亦三萬衆待之詔邊臣嚴備

丙辰吏部請尚寶司中書舍人都給事中行人司正官仍聽

考察如宣德初從之

夜月犯畢宿

戊午免陝西去年夏稅三十六萬九千九百三十餘石

昏刻大星赤光自胃宿流五車三小星隨之

庚申劉鉉服闋復國子祭酒

夜大星青白光自天稷流近濁又大星自紫微西籬流游氣

癸亥思恩軍民府知府岑瑛加右叅政初瑛從征子鑠代任

好殺人不法瑛還按之鑠懼自經故嘉其割愛効忠也

衍聖公孔彥縉卒

復徐青毫縣知縣食正六品俸

丙寅翰林院編脩黃諫上大明鏡歌鼓吹十四曲

廣東都指揮同知耿全擊廣西涿賊於肇慶之白沙村敗績

指揮倪廣李清等俱死之

丁卯命天下罪囚在都布二司但會二司官在府衛會府衛
官在按察司及巡按御史不必會官即訊結毋淹滯

十月壬申朔岷府庶人徽燁蒼頭蒙能鼠蟻中糾三萬餘人攻
隆里等城命捕之

甲戌夜大星青白光自文昌流五車

乙亥監察御史葉巒諫張提督南京北京學校

南和伯方瑛為平蠻將軍總兵官達官指揮使白玉為署都
督僉事副總兵往討湖廣叛苗太監阮讓陳瑄監軍戶部

侍郎孟鑑理餉

丁丑免永平灾租三千五百六十八石

辛巳南京收糧御史二人之一

壬午上皇萬壽節群臣請賀詔罷

蘄州地震

癸未巡撫廣東兵部左侍郎揭稽故勘犯人下都察院獄

夜月犯畢宿

甲申賑貴州烏撒衛

己丑免大同絕租

壬辰楚府通城王孟燦薨年六十七謚莊靖

癸巳天文生施宗為錦衣衛鎮撫

乙未復南京戶部官於上新河監收船料

夜月犯亢宿

丁酉夜月犯罰星

庚子免兩畿各衛屯租二十九萬三千石

辛丑山東按察使古鏞為大理寺左少卿

十月己巳貴州平越等苗賊作亂命方瑛等合討之

己酉監生張銘為南京戶部主事以南京兵部尚書張純為

子乞恩也

庚戌蒙能破銅鼓所羅園堡都指揮汪迪授之歟沒

辛亥封楚府均鐵崇陽王

癸丑夜大星赤光自天紀派太尊星二小星隨之

甲寅禱雪

孔弘緒嗣衍聖公考縉孫

進士江彤張璿為給事中

復命左僉都御史徐有貞巡視沙灣

辛酉左僉都御史徐有貞言鄒縣顏孟二氏元嘗撥田六千

頃國初目之其後被占命追給之各益田二十頃佃戶十家
丙寅河南按察使何永芳卒 常山人 進士

戊辰屠宗順為副千戶屠芝為百戶仍直御用監宗順芝專
獻寶石規利

己巳免濟南兗青東昌武定信陽今年夏麥二十四萬二千
五百八石有奇

庚午貴州左布政使易節卒 萬載人

進士

丙子景泰七年

正朔未朔 上皇在南昌

乙亥苗賊三千餘人掠沅州衛

丁丑禁漕卒以米易貸赴京市米上納

諭戶部買物即給直

戊寅夜月犯畢宿

己卯命太子太保兼兵部尚書石璞撫安湖廣軍民

壬午上南郊

甲申夜月犯軒轅

丁亥召商於湖廣軍前納粟中鹽

庚寅封慶府遂難平涼王

辛卯諭朶顏等三衛入貢仍自永平入

乙未免廣平府去年夏麥四千七百七十餘石

戊戌金星畫見

二月子朔蠲應天寧國太平安慶徽池廣德保定河間廣平濟

南苑東昌平陽開封懷慶衛輝去年災租二十四萬五千六

百九十石有奇

辛丑仁和教諭聶大年卒於京邸大年臨川人薦授教秩仁

和訓導改常州秩滿遷今官徵詣翰林未拜官年五十五

癸卯從朝鮮國王李弘牒請遣內臣封李瑛朝鮮國王

甲辰以鈔少給官京折俸銀每金折鈔七百貫

乙巳夜月犯昴宿

丙午令巡撫淮揚貧民牛種

己酉大風霾

庚戌還兩京內府納戶剩米先是倉役禁不容出

湖廣都指揮僉事楊茂領兵護運辰沅靖州偏橋鎮遠銅鼓

清浪平溪

辛亥悉召捕盜諸御史官校還京時急耕恐擾民
右叅將都督僉事顏彪為左叅將守備大同東路

丙辰夜月犯亢宿

庚申皇后杭氏崩命喪禮從約

壬戌巡撫貴州左副都御史蔣琳奏擊平越等苗斬四百餘

級

癸亥南京太廟奉御阮崇等以失珠冠降內秩

甲子太監曹吉祥保定侯梁珪工部右侍郎趙榮治壽陵

乙丑宥昌平侯楊俊死奪其官

丁卯潯州大藤峽賊攻荔浦縣

己巳兵部左侍郎揭稽降太平知府

三月午朔夜月犯天高東星

壬申新會縣賊黎三仔作亂官軍擊斬二千有奇復業九千

餘人

癸酉免鳳陽去年秋租十四萬七千八百五十餘石

甲戌琉球入貢

乙亥宥贓吏絞徒者並為氓

戊寅免雲南災租六萬五千六百餘石

已卯苗賊陷晃州堡殺千戶鄭鉉

庚辰許南畿山東河南輸米贖囚豈麥抵米

辛巳夜天鳴如雷

壬午謚杭氏孝肅皇后

巡撫湖廣兵部尚書石璞總督征苗軍務時辰沅有警

進士焦顯周琦趙敬戴珙田景賜閻禹楊瑄周一清孫珂教

諭蘓燮監生郭文為試監察御史進士董琳顏正林傑畢亨

鄭安訓導葛淵監生朱毅為南京試監察御史

戊子岳正服闋補翰林院脩撰兼右春坊右贊善

禮部言撒馬兒罕地面遣使入甘州遷延支廩千七百六十

餘石它無論擇玉僅七塊不受擇悉携入京若概收則糜賜

乞擇進餘聽市易從之

庚寅故誠意伯劉基七世孫祿為翰林院五經博士世襲

甲午命戶部輸金運東陝西大同各五萬宣府十萬永平五

千各糴糧料

設陝西高臺堡守禦千戶所以甘肅要地也

丙申前太子太保兼左都御史陳鑑卒鑑字有戒吳人永樂

進士授御史秩滿遷湖廣按察副使憂去已補山東未

上憂去復補浙江督木魯家務起拜右副都御史鎮守陝西
提督寧夏延綏邊備豁達有大度不為一切苛辦歷任有政
績於閩中尤著凡三往鎮三還朝正統末掌院土木之變以
左都出按通州以南護邊人避始鎡以長厚得陝吏士心
每行部下車則時雨至人有疾誓肩其輿輒愈每出則老穉
婦女爭前擔鎡不能卻也贈太保謚僖敏賜祭葬鎡始薦王
鈇、擠之出繼薦王文、擠之歸謚擬忠肅文易僖敏衆頗
不平

劉鳳曰國家初興其定功基造者皆佐命二三臣至綏固

保之不克保又非老謀長慮忠篤之老則曷以哉若鎡之
分陝陳常佈藝樹之經法而民知有恃至竊然俎豆之
不能使人無保已惠之入人深矣

馮時可曰陳公為人朗、如百間屋其志行昭、揭日月
也乃忌者猶憎其面目疑其肺腸可怪哉所至推轂賢士
惟恐不及而受推轂者卒反中之甚矣二王之為中山狼
也

戊戌曉刻金火二星合奎宿

四 辛亥湖廣賊蒙能糾苗賊二萬攻圍平溪衛守備都指揮鄭

泰等擊敗之官軍乘勝追勦斬獲亡筭能中槍死
癸丑增雲南按察司管屯副使

夜月犯土星

乙卯思任發次子思卜發貢象馬金銀言臣幼不知父兄事
惟天皇帝矜之賜其使鈔幣

山西平定人趙能逃東鹿為妖書惑眾伏誅

丙辰開麗水縣巖泉山銀冶鎮守左監丞阮隨等請之

丁巳崇信伯費釗與族弟鐸相訐下獄釋之

庚申提督遼東軍務左副都御史寇深喪母奪情視事

廣西徭賊破義寧縣

壬戌夜彗見胃宿芒二丈餘

乙丑復賈銓雲南左布政使

夜大星赤光燭地自天市東垣流牛宿二小星隨之曉刻月

犯金星

五
己卯已朔後軍都督僉事昌英卒西域人

辛未江浦丹徒縣蝗

癸酉鎮守廣東右少監阮能為左少監總督兩廣右都御史
馬昂為左都御史總兵官都督僉事翁信為都督同知以新

會斗峒等山寨切

夜大星赤光白天槍流華蓋小星一隨之

乙亥寰宇通志成

丁丑進陳循兼華蓋殿大學士高穀王文兼謹身殿大學士

蕭鎡戶部尚書商輅兼太常寺卿左右春坊大學士彭時劉

儼俱太常寺少卿兼侍讀侍講學士兼左右中允倪謙呂原

為左右春坊大學士右諭德兼修撰林文為左庶子洗馬李

紹劉定之俱為右庶子俱兼侍講右贊善兼檢討錢溥為左

諭德兼編脩右中允柯潛為洗馬仍兼脩撰左贊善周洪謨

脩撰孫賢俱為侍講編脩黃諫為左中允左司直郎兼編脩

萬安李泰為右中允俱兼編脩編脩陳鑑劉吉劉珣曹恩王

獻劉宣童緣為脩撰檢討李本馬昇江朝宗中書舍人兼正

字趙昂庶吉士丘濬彭華牛綸尹直為編脩耿裕何琛寧珍

金紳黃甄夏時為給事中劉鈺孟勳吳楨嚴塗陳政馮定王

寬為監察御史以纂脩通志殿閣進不相兼陳循以文淵

閣兼華蓋高穀王文以東閣兼謹身俱創例

蠲平陽府今年夏麥九萬五千三百十餘石

戊寅勅中外群臣脩省

運松江嘉興積鹽五萬引於常德易粟餉軍浙鹽不足以補

已卯前巡按直隸監察御史王常毅薦舉不實至是起復下

刑部

北畿蝗

辛巳遣官捕順天河間保定真定順德大名蝗

癸未命右庶子兼侍講林文劉定之侍講周洪謨左中允兼

編脩黃諫俱纂宋元通鑑綱目右中允兼編脩萬安右贊善

兼編脩岳正脩撰劉珣劉宣俱授內監書

戊子昏刻慧見柳宿長九尺餘掃軒轅

己丑初滿剌加貢使李霸等至廣東新會以犯奸自到餘使

入貢還通事馬貴聽問謂霸有夜珠光猫睛石未進命追索之

俱處罪貴等如律

辛卯宋周敦頤十二世孫冕為翰林院五經博士世襲

免黃州等去年欠租七千七百五十三石有奇

壬辰詔寬恤蠲逋課宥輕囚停採辦一切不急之務

命四川按察使各道兼督鹽課

設壽陵祠祀署

甲午昏刻慧見張宿芒七尺餘掃太微西垣

丙申刑部左侍郎孔文英率文英安化人

進士令

廬陵遷御史薦進湖廣按察使剛方有守頗淺慎短於才

戊戌周府汝陽王子墩薨年十二既薨後冊命始下

是月桂林疫

六月亥朔武城中衛改壽陵衛

庚子畫工張靖為正千戶倪端周全為百戶

辛丑浚杭州西湖

壬寅夜慧入太微西垣芒五尺餘

癸卯勅諭思卜發務堅臣節毋仍異心自取不靖賜錦二紵

絲紬羅二十絹三十

甲辰蠲應天太平寧國徽池安慶廣德及宣州建陽新安等

衛災租二十九萬四千二百四十九石有奇

許南京兵部尚書張純展墓

乙巳薩琦奔喪復禮部左侍郎兼少詹寺

丁未上皇第七子見浚生宸妃萬氏出

癸丑徵保靖播州西陽貴州安寧金筑諸土兵征苗

裁廣西巡鹽按察副使

丁巳廣東蠻賊掠合浦指揮阮楨湯洵敗沒

庚申葬孝肅皇后杭氏

癸亥申攬納錢糧之禁

是月淮揚鳳陽大旱蝗徐州河南大雨水河決開封河南彰

德滄沒無筭

七月己廣西道監察御史原傑為江西按察使

城濮州

庚午韓雍奏勸借稻穀一萬四千石有奇賑穀九十

九萬七千九百五十三石五斗米萬有九千四百十石六斗

八升布千一百九十四匹

辛未夜金星犯鬼宿大星青白光自五車流天關

壬申誅妖人李珍魏玄冲俱通苗賊珍偽稱帝改元天順糾

苗賊立天柱都指揮湛清等計擒之械入京

癸酉順天保定真定河間廣平順德大名鳳陽廬徽池杭嘉

興南昌饒黃衛輝懷慶開封濟南青東昌各五六月大雨水

滄田禾

乙亥南京大風雨山川壇殿廡災

丙子慶成王美靖薨年四十九謚恭僖

丁丑司經局洗馬兼翰林院脩撰柯潛左春坊左贊善兼翰林院編脩劉俊主試應天

夜大星青白光燭地自閣道涿天梧

庚辰祔天壽山神於北嶽壇春祈秋報祀之

癸未禁漕運指揮等官道擾

甲申諭禮部禁自宮求進者

禁私錢

乙酉伶人李安為錦衣衛百戶安姊惜兒自教坊入侍得幸

戊子西河王美孛薨年四十六謚靖恭

己丑夜土星犯罰星曉刻月犯天高東星

庚寅免平陽府夏稅十萬六千九百八十二石有奇

甲午太僕寺少卿蒯祥陸祥為工部右侍郎仍督工匠蒯木

石

封前軍左都督吳安安平伯故都督吳信弟故為南京前軍

左都督

賜尚膳監左少監劉祥庄田五百八十餘頃

丙申巡撫南畿左副都御史鄒來學卒來學字時敏麻城人

宣德癸丑進士授戶部主事進員外郎從征麓川功進郎中

憂去起通政司右叅議督永平山海糧儲己巳進右僉都御史提督永平山海軍務巡視關隘有守禦功景泰甲戌改南畿聲譽稍損賜祭塋

丁酉夜火星入井

南昌臨江吉安瑞表撫廣信自四月雨五月旱迄今傷稼

戊戌朔廣西流賊破欽州執知州姜原性

庚子夜大星青白光燭地自危宿流北落師門

甲辰立朝鮮國王李璵子暉為世子

山東布政使常熟龔理致仕

乙巳太常寺少卿兼翰林院侍講劉儼左春坊左中允兼翰林院編脩黃諫主試順天

丁未免河南被災軍民採草

阿剌知院為部下所殺

庚戌冊皇貴妃唐氏

癸丑大理寺右少卿張固卒固字公正新喻人進

士授刑科給事中歷都給事中言椽吏不宜官郡守著為令

嘗督民兵河南景泰初進少卿錄因四川賑饑山東並有聲

實蓋侗儻侃能任者也

甲寅廣寧伯劉安崇信伯費釗武安侯鄭宏應城伯孫繼先
泰寧侯陳涇建平伯高遠安鄉伯張寧脩武伯沈煜並南京
五府視事
都指揮僉事趙輔為後軍都督僉事充宣府左叅將守備懷
來

武岡蠻寇全州

廬龍人劉傑言和糴乞秋稔依直收納庶官民兩利從之

乙卯夜月犯畢宿又大星青白光自鈞陳流近濁

丁巳裁天下添設官叅政三叅議二按察副使五僉事二府

同知一通判二十七州同知判官各十二縣丞九十三主簿

十三吏目典史各一

壬戌江西賑三十萬六千六百一十戶大小六十五萬三千十

六口支米穀三十九萬三千六百三十二石五斗九升

甲子夜大星青白光自危宿流天市東垣

丙寅初少保吏部尚書謹身殿大學士兼東閣大學士王文

訐順天考官劉儼黃諫斥其子倫閱卷徇私乞如洪武時罪

劉三吾事覆試少保太子太保戶部尚書葦蓋殿大學士兼

文淵閣大學士陳循以子瑛下第亦訐之上命廷臣閱試

曠下考官教諭姚富等錦衣獄高毅言大臣子與寒士爭進
已不可况構考官為也事得已特賜陳瑛王倫貢士

浙西夏大水滄田禾自七月復旱

九戊辰朔濬河右僉都御史陳泰巡撫南畿

昏刻大星赤光自紫微東藩流雲中二小星隨之夜大星自

五車流文昌

庚午禮科給事中張寧等劾陳循王文徇私評考官非大臣

體不問

餘冬錄曰宋太宗朝呂蒙正李昉為相蒙正之弟蒙亨舉

進士既廷試與昉子宗諤並以父兄在中書罷之仁宗朝

韓億為參知政事子維以進士禮部奏名不肯試大廷受

蔭入官宋制嚴於宰執子弟如此惟秦檜柄國而子熺孫

壻皆於殿省試冠多士士論耻之我朝公卿子弟舉高等

不以為嫌陳循王文之子鄉試不第遂至自訟弘治乙丑

正德辛未閣臣皆有子入試其父引嫌不預讀卷其子並

得及第前此戊辰大學士焦芳以子彙中不得狀元降調

諸翰林顧清等故是科不得不爾可見我朝法制視宋稍

寬而公卿與刑不逮宋人遠矣

壬申寧王府火

癸酉提督松潘兵備刑部左侍郎羅綺進兵桑坪討松潘土

番王永平之

甲戌定浙西官民田糧初科額不一至是以租收為准差等

之

戊寅應天太平等府蝗

夜木星入鬼宿

丙戌周王子厚薨年三十五謚曰靖

戊子道錄司右玄義仰彌高奏近聞東南大疫河間等府旱

澇相仍圻內盜賊充斥八月二十九夜迅雷雨雪九月九日

日色赤夜月色赤亦近者陰霾連日不散此殆圉圉冤滯之徵

乞勅法司明清庶獄詔曰朕屢命諸司平反諸獄今有逮問

未完連斷遣之

都指揮僉事周貴為副總兵鎮守貴州

壬辰巡撫山西右僉都御史蕭啟致仕

甲午停處州莞銀場都指揮使

廣義伯吳玘卒

乙未寧國教授余鐸請翰林院太常寺官博改釋奠樂律禮

部獲之

謚宋臣文天祥忠烈謝枋得文節并謚故國子祭酒李時勉

文教俱從巡撫江西右僉都御史韓雍之請

十月朔以靈福寺園賜錦衣衛百戶李安

脩國子監

番僧劉失尾則見班竹見星吉俱為左覺義桑見結巴為右

覺義

庚子夜大星青白色自狼星涿柳宿

壬寅戶部郎中楊輿為南京戶部右侍郎大理寺左寺丞朱

綬為右少卿太僕寺丞李亨為少卿俱潛邸舊屬

昏刻月犯斗宿曉刻熒惑犯鬼宿

癸卯黃梅縣疫

甲辰昏刻大星赤光自畢宿涿游氣聲如雷四小星隨之

戊申夜木火星合鬼宿

辛亥給京師貧民布粟

大名湖紹興平陽各五月大水雨寧國安慶蘇台嘉興各旱

丙辰夜大星光燭地自井宿涿軍市

丁巳夜月犯軒轅

戊午左副都御史寇深喪母特留任

己未昏刻大星青白光燭地自紫微深雲中

庚申申私鹽之禁

十一庚午蠲順天河間保定災租

丙子山東道監察御史陳述薦崇仁儒士吳與弼儒者之高

蹈聖世之逸民下巡撫韓雍徵入朝

丁丑上皇萬壽節群臣請賀詔罷

錦衣衛指揮使唐興為左軍右都督

禮部右侍郎兼少詹事薩琦致仕

戊寅工部左侍郎趙榮管理柴炭禮部左侍郎鄒幹還部

夜月犯畢宿

乙酉起復協贊獨石等處軍務山西布政司右叅政葉盛

甲午免徐州今年田租

乙未止朝鮮世子來朝

盜竊南郊齋宮什器

十一己亥茂州判官汪浩為同知

湖廣貴州總兵官南和伯方瑛等連擊苗賊斬三千二百餘

級俘人畜器械亡筭

癸卯左僉都御史徐有貞為左副都御史

乙巳遣官覈蘓松常江倉糧

丙午迤北孛來入貢

夜月犯天高星

辛亥貴州副總兵都指揮僉事李貴為署都督僉事

大同知府霍瑄加山西左叅政

免淮安田租六萬一千五百九十餘石

壬子進士劉璧劉宣魏瀚高亮鄭文奎羅明吳玘監生陸平

白瑞蘓慶科為試監察御史

癸丑賑順天饑

甲寅夜彗復見旱宿芒五寸餘至癸亥

丙辰楊珍嗣昌平侯楊俊罪廢錄其子

戊午戶部上救荒事宜命順天山東河南等巡撫即行之

庚申禁朝覲官餽遺

夜月犯東咸星

壬戌免山東田租六十九萬四千七百餘石并蠲南昌臨江

吉安廣信南康瑞撫袁饒田租二百三十二萬餘石遣視咸

寧嘉魚蒲圻竹山黔陽麻陽盧溪茶陵攸慈利石門衡陽衡

山采陽當寧臨武沅江道州旱灾

癸亥 上有疾且以星變罷明年元會禮科給事中張寧請

朝賀如故不允

己丑南京戶部右侍郎謝璉卒龍溪人宣德丁未進士

是歲前福建按察僉事陳祚卒祚字永錫吳人永樂初進士

選庶吉士授御史起河南右叅議忤臬司謫佃太和山 宣

宗初試謫者祚第一拜御史彈射不避權貴半載大振歷按

福建江西上書勸讀大學衍義 上怒即械之并其家屬悉

下獄且籍其家五年正統初復官出按湖廣益自厲尋露章

劾連王不法復逮下獄論死久之連事敗出之改南京論事

益切遷福建僉事墨吏望風解綬去年七十乞休壽七十五

天下母問識不識皆推其直家居寡交游布衣邢量甚淹博

日移書徒步往質之邢終不一報謁人兩賢之

馮時可曰聞諸先達言陳先生性刻廉與人語苦而不甘

其操行其讀書皆攻苦故人謂三苦先生 宣英之際板

奇吐異不託大寄通以求自全然屢陷於危卒以壽終豈

非天哉

丁丑景泰八年

正月朔上皇在南宮

辛未太子太師武清侯石亨攝享太廟

壬申吏部大計罷斥有差

癸酉吏部左侍郎項文曜喪父命奔喪還任

丁丑上力疾出宿南郊齋宮

戊寅石亨攝郊事上還御殿亨受命榻前知上委項出

有異謀矣

己卯免慶成宴

禮部尚書胡濙等疏問安且乞早建皇太子草奏左掖門左

都御史蕭維楨舉筆易建曰擇衆頗易之跡上不允

時上疾甚儲嗣未定內外憂懼在廷各懷擇君之意俱屬

沂王司禮監太監陳王誠與大學士王文謀取襄王子立

之其事漸露太監與安諷群臣請復迎立上皇學士蕭鏊

不可王文持兩端鴻臚主簿萬祺知祿命告石亨曰皇帝

在宮莫事他求

庚辰群臣復請立太子禮部尚書姚夔與大學士商輅議率

百官伏闕請

幸已集朝房。姪獲屬商輅。草奏輅屬草曰。陛下。宣宗章
皇帝子宜復立。宣宗章皇帝孫皆曰善。踈具日已暮。皆出
而石亨與徐有貞等夜奪門迎。上皇出宮南。即皇帝位。改
今年天順元年。

程